

婦人良方卷之二四

特別
79
1087
2



1087
2



太醫院校註婦人良方大全卷之二

衆疾門經脈不調衆疾生焉故以次之

產寶方論第一

古人治婦人別著方論者以其胎妊生產崩傷之異况鬱怒倍於男子若不審其虛實而治之多致夭枉
愚按前說誠為精確諺云寧治十男子莫治一婦人寧治十婦人莫治一小兒義可見矣

傳寶方論

○太醫院校註婦人良方大全卷之二



江右臨川陳自明良甫編
太醫院使立齋薛已校註
建邑書林泗泉余彰德梓

夫人將攝順理，氣血調和，不淫不能為室。若勞傷血氣，則風冷乘之，脾胃一傷，飲食漸少，榮衛日衰，肌膚黃燥，面無光澤。若入大腸，則下利；若入關元，則絕嗣。故婦人病有三十六種，皆由衝任勞損，而致蓋衝任之脈為十二經之會海，其病皆見於少陰太陽之經，當於此候之。

愚按前論精密，學者當從此類推之。

冠宗藥論第三

婦人雖有別科，然亦不能盡聖人之法。岐伯曰：凡病察其形氣相得，則易治；形氣相失，則難治。又曰：診病之道，觀入勇怯，骨肉皮膚，能知其情，以為診法。今富貴之家，身處帷幔，出手診候，不能盡望聞問切之情，率爾投藥，烏可盡其術乎？况醫者質問

諱諱，病家遂謂術業不精，而不信，豈能使藥之奏效耶？丹溪云：凡人之形長不及短，大不及小，肥不及瘦，人之色白不及黑，嫩不及蒼，薄不及厚，而况肥人濕多，瘦人木多，白者肺氣虛，黑者腎氣足，形色既殊，臟腑亦異，外證雖同，治法迥別。所以肥人責脈浮，瘦人責脈沉，躁人疑脈緩緩，人疑脈躁，以其不可驟觀也。若夫病勢危急，必須察色以觀其外，診脈以知其內，醫之道庶乎不至於有誤矣。

府庠徐道夫母胃脘當心痛極，右寸關俱無，左雖有微而欲絕，手足厥冷。余以上部無脈，不吐為不治。然察其眼胞上下青黯，此脾虛肝木所勝，以參朮茯苓陳皮甘草補中益氣以本香和胃氣，行肝氣，以吳茱萸散脾胃之寒，止心腹之痛，遂

急與一劑連去二次再進諸病悉愈

通用方序論第四

夫通用方者蓋產前產後皆可用也或一方治諸症不可入於專門當通變而施治烏可泥也

加減四物湯 治血虛月經不調腰腹作痛崩中漏下牛產產後惡露內停或去血過多而痛方見第八十三論

愚按血虛之症若肝脾血燥用加味道遙散肝火血燥用不
珍湯加山梔牡丹皮肝經風熱血燥用六味地黃丸肝脾血
燥血虛用四物柴胡山梔肝經氣血虛弱用四君芍歸熟地
腎水涸而肝血虛用六味地黃丸金剋木而肝血虛與心火
亢而肝血虛亦用前丸若氣虛而血弱用補心湯胃氣陷而

血虛用補中益氣湯脾氣弱而血虛用六君子湯脾氣鬱而
血虛用加味歸脾湯大凡血虛之症或氣虛血弱或陽氣脫
陷或大失血以致發熱煩渴等症必用四君歸芪或獨參其
溫之劑使陽旺則陰生其病自愈若用寒涼降火乃速其危
交加散 治經脈不調腹中撮痛或結聚癥瘕產後中風

生地黃取汁 生薑取汁

右以地黃汁炒薑相薑汁炒地黃相乾為末每服三錢溫酒
調加芍藥玄胡索當歸蒲黃桂心各一兩沒藥紅花各五錢
尤效

補中丸 治氣血俱虛諸症即八珍湯為丸方見二十四卷

附方

加味歸脾湯

加味道遙散

八珍湯

三方見二十四卷第四論

六味丸

方見二十四卷第十一論

四物湯

四君子湯

六君子湯

補中益氣湯

四方見二十四卷第六卷

獨參湯

方見二卷第十三論

太醫院校註婦人良方大全卷之二終

太醫院校註婦人良方大全卷之三

江右臨川陳自明良甫編
太醫院使立齋薛已校註
建邑書林泗泉余彰德梓

婦人中風諸症方論第一

夫中風者因內虛而中之也蓋風為四時八方之氣常以冬至之日自坎而起從其鄉來者主長養萬物否則名為虛風賊害乃物從背而入或中腑或中臟或中血脈經絡其症或肢體不遂或手足偏枯或痰涎壅塞或口眼歪斜或牙關緊急或腰背反張若眼開口閉涎流失音者難治如眼閉口開鼾睡遺尿者死中風中氣皆用蘇合香丸中氣用三三散若作風治百無一生

愚按中風者即內經所謂偏枯風痺風懿風痺是也而有中
腑中臟中血脉之分焉夫中腑者為在表中臟者為在裏中
血脉者為在中在表者宜微汗在裏者宜微下在中者宜調
榮中腑者多着四肢如手足拘急不仁惡風寒此數者病淺
皆易治用加減續命湯之類中臟者多滯九竅如眼瞽者中
于肝舌不能言者中于心唇緩便秘者中于脾鼻塞者中于
肺耳聾者中于腎此數者病深多難治中血脉者外無六經
之證內無便溺之阻肢不能舉口不能言用大秦朮湯主之
中腑者多蕪中臟如左關脈浮弦面自青左脇偏痛筋脉拘
急目瞶頭眩手足不收坐踞不得此中膈蕪中脾也用犀
角散之類如左寸脈浮洪面舌赤汗多惡風心神顛倒言語

蹇澁舌強口乾怙悻恍惚此中小腸蕪中心也用麻黃散之
類如右關脈浮緩或浮大面唇黃汗多惡風口喎語澁身重
怠惰嗜臥肌膚不仁皮肉瞶動腹膨不食此中胃蕪中脾也
用防風散之類如右寸脈浮濇而短面色白鼻流清涕多喘
胸中冒悶短氣自汗聲嘶四肢痿弱此中大腸蕪中肺也用
五味子湯之類如左尺脈浮滑面自黧黑腰脊痛引小腹不
能俛仰兩耳虛鳴骨節疼痛足痿善恐此中膀胱蕪中腎也
用獨活散之類此皆言真中風也而有氣血之分焉蓋氣虛
而中者由元氣虛而賊風襲之則右手足不仁用六君子湯
加釣藤薑汁竹瀝血虛而中者由陰血虛而賊風襲之則左
手足不仁用四物湯加釣藤竹瀝薑汁氣血俱虛而中者則

左右手足皆不仁也。用八珍湯加釣藤薑汁竹瀝其與中風相類者則有中寒中濕中火中氣食厥勞傷房勞等症如中於寒者謂冬月卒中寒氣昏冒口禁肢拏惡寒脈浮紫用麻黃桂枝理中湯之類。中於暑者謂夏月卒冒發暑昏冒痿厥吐瀉喘滿用十味香薷飲之類。中於濕者丹溪所謂東南之人多因濕土生痰痰生熱熱生風也用清燥湯之類。加竹瀝薑汁中於火者河間所謂非肝木之風內中六淫之邪外侵良由五志過極火盛水衰熱氣拂鬱昏冒而卒仆也用六味九四君子獨參湯之類。內有悲怒傷肝火動上炎者用柴胡湯之類。中於氣者由七情過極氣厥昏冒或牙關緊急用蘇合香丸之類。誤作風治者死。食厥者過於飲食胃氣自傷不

能運化故昏冒也用六君子加木香勞傷者過于勞役耗損元氣脾胃虛衰不任風寒故昏冒也用補中益氣湯房勞者目昏虛精耗氣不歸源故昏冒也用六味丸此皆類中風者也。夫內經主于風河間主于火東垣主于氣丹溪主于濕愚之斯論僭補前人之闕也。若夫地之南北人之虛實固有不同其男子女人大畧相似當與後論參看通變治之。

附治驗

靳閣老夫人先胸脇脹痛後四肢不收自汗如水小便自遺大便不實口紫目瞶飲食頗進十餘日矣或以為中臟公甚憂余曰非也若風既中臟真氣既脫惡症既見禍在反掌焉能延之乃候其色面自俱赤而面或赤診其脈左三部洪數

惟肝尤甚。念曰：胸乳脹痛，肝經血虛，肝氣否塞也。四肢不收，肝經血虛，不能養筋也。自汗不止，肝經風熱津液妄泄也。小便自遺，肝經熱甚，陰挺失職也。大便不實，肝木熾盛，剋脾土也。遂用犀角散四劑，諸症頓愈。又用加味道遙散調理而安。後因鬱怒，前症復作，兼發熱嘔吐，飲食少思，月經不止。此木盛剋土，而脾不能攝血也。用加味歸脾湯為主佐，以加味道遙散調補肝脾之氣，清和肝脾之血，而愈。後每遇怒或睡中手足抽搐，復用前藥，即愈。

大糸朱雲溪母于九月內忽仆地，痰味不省，人事昏口喎斜。左自紫小，或用瘀血之劑，其勢稍緩。至次年四月初，其病復作，仍進前藥，勢亦漸緩。至六月終病乃大，作小便自遺，或謂風

中于臟以為不治。余診之，左關弦洪而數，此屬肝火血燥也。遂用六味丸加五味麥門芎歸一劑，而飲食頓進，小便頻調。隨用補中益氣加茯苓山施釣藤丹皮而安。至十月復以傷食腹痛作瀉，左目仍小，兩關尺脈弦洪。鼓指予以六君加木香吳茱升麻柴胡一劑，而痛瀉俱緩。復以六君加肉果故紙一劑，諸脈頓平，痛瀉俱止。余謂左關弦洪由肝火血燥故，左目紫小右關弦洪由肝邪乘脾故，唇白喎斜腹痛作瀉，二尺鼓指由元氣下陷。設以目紫口喎誤作風中，投以風藥以腹瀉泄瀉誤作積滯，投以峻劑復耗元氣，為害甚矣。後以陽虛惡寒圍火過熱致痰喘誤服寒劑而卒。

一婦人因怒心絕，語言寒澁，口眼喎斜，四肢拘急，汗出遺尿，六

脈洪大肝旺尤甚皆由肝火熾盛蓋肝主小便因熱甚而自遺也

一老婦兩臂不遂語言蹇澀服祛風之藥反致筋攣骨痛余謂此肝火血虛所致用八珍湯補氣血用地黃丸補腎水佐以排風湯年餘而愈

一婦人經行口眼歪斜痰涎壅盛此血虛而肝火動用加味道遙散加牡丹皮治之尋愈後因飲食停滯日吐痰涎此脾氣虛不能攝涎歸經也用六君子二十餘劑而安

一婦人因怒口眼歪斜痰涎上湧口噤發搐此脾肺氣虛而肝木旺用六君子加木香鈎藤柴胡治之漸愈又用加味歸脾湯調理而安

一產婦勤於女工忽仆地牙關緊急痰喘氣粗四肢不遂此氣血虛而發瘧朝用補中益氣湯加茯苓半夏及用八珍湯加半夏各三十餘劑不應此氣血之未復藥之未及也仍用前一湯又五十餘劑尋愈

一婦人素有內熱月經不調經行後四肢不能伸臥床半載或用風濕痰火之劑不效其脈浮緩按之則濡名曰瘰症屬風寒所乘用加味道遙散加肉桂防風四劑頓愈更以八珍湯調理兩月餘而瘥

一婦人素經行後期因勞怒四肢不能屈名曰瘰症此血虛而風熱所乘先用八珍湯加鈎藤柴胡漸愈更佐以加味道遙散調理而瘥

一婦人四肢攣屈煩痛自汗小便短少畏見風寒脉浮弦緩此氣血虛而風寒濕熱相搏先用東垣清燥湯漸愈再用加味逍遙散及八珍湯加牡丹皮而痊

一婦人素有火忽然昏瞶癱瘓抽搐善伸數次四肢筋牽痰涎上升此肺金燥甚血液衰少而然也用清燥湯六味丸煎服尋愈

一婦人肢節作痛不能轉側惡見風寒自汗盜汗小便短少雖夏亦不去衣其脉浮緊此風寒客於太陽經用甘草附子湯一劑而瘳

一婦人因怒發搐嘔吐痰涎口禁昏憤氣由脉大於人迎此氣滯而食厥用平胃散加茯苓半夏木香治之而甦更以六君

子加木香漸愈乃去木香又二十餘劑而痊

一婦人元氣素虛勞則體麻發熱痰氣上攻或用烏藥順氣散祛風化痰丸之類肢體痿軟痰涎自出面色痿黃形體倦怠而脾肺二脉虛甚此氣虛而類風朝用補中益氣湯夕用十全大補湯漸愈又用加味歸脾湯調理尋愈

一婦人體肥胖頭目眩暈肢體麻木腿足痿軟自汗身重其脉滑數按之沉緩此濕熱乘虛也用清燥羌活二湯漸愈更佐以加味逍遙散全愈

一婦人口眼歪斜四肢拘急痰涎不利而惡風寒其脉浮緊此風寒客於手足陽明二經先用省風湯二劑後用秦艽升麻湯而愈

一婦人素性急，患肝風之症，常服搜風順氣丸、秦艽湯之類，後大怒吐血，唇舌牽紫，小便頻數，或時自遺，余以為肝火旺而血妄行，遂用小柴胡湯加山梔、牡丹皮，漸愈。五年之後，又大怒吐血，誤服降火祛風化痰之劑，大便頻數，胸滿，少食用，清氣化痰之劑，嘔而不食，頭暈，口乾，不時吐痰，用導痰降火之類，痰出如湧，四肢常冷。余曰：嘔而不食，胃氣虛弱也；頭暈，口乾，中氣不能上升也；痰出如湧，脾氣不能運化也；四肢逆冷，脾氣不能運行也。用補中益氣加茯苓、半夏治之，諸症漸愈。又用加味歸脾湯煎服而安。

鴻臚王繼之室人素有關症，遇勞發怒，氣則發，良久自覺一日因飲食勞役失宜，發而半日方自不能言語，或以為風中。

于臟用祛風化痰順氣之劑，及牛黃清心丸，病益甚。六脉浮大，兩寸虛而不及本部，且進飲食，余曰：此脾胃之氣傷也。若風中于臟，禍在反掌，彼不信，仍用風藥，後果卒。

婦人吐痰，頭暈肢體麻木，見第十四卷。

娠婦發搐似中風，見第十四卷。

產後發症似中風，見第十九卷。

男子諸症，見內科摘要。

排風湯 治風邪入臟狂言妄語

白鮮皮 白木 白芍藥 炒桂心 川芎

當歸 防風 杏仁 去皮 甘草 兩 白茯苓

麻黃 去 獨活 各 三

三生飲 治卒中不省口眼喎斜痰壅喉響無問外感內傷痰
延食厥氣虛眩暈但六脉沉悉有神効

生南星 生烏頭去皮 生附子焙半兩 木香錢一

右每服半兩薑水煎不省人事以細辛皂角末少許吹鼻中
得嚏進藥氣盛只用南星五錢生薑十四片煎飲之各星
愚按三生飲乃行經絡治寒痰之良藥斷閑奪旗之神劑每
服必用入參兩許驅其外邪而補其真氣否則不惟無益適
以取敗觀先哲用芪附木附等湯其義可見

加減小續命湯 治中風半身不遂口眼喎斜手足戰掉語謇
蹇澁神思昏亂筋攣骨痛或脚氣緩弱陰晦復作

麻黃去節 防己 人參 黃芩炒 桂心 甘草炒

白芍藥 川芎 杏仁酪 附子炮半兩 防風半兩

右每服五錢薑棗水煎精神恍惚加茯苓遠志有熱去附子
加芍藥心煩加犀角半兩骨冷痛加桂附嘔逆腹脹加入參
半夏一兩躁悶便澁去附子加芍藥一兩竹瀝一合臟寒下
利去防己黃芩加附子白朮一兩自汗去麻黃杏仁加白朮
一兩脚弱加牛膝石斛一兩身痛加秦艽一兩腰痛加桃仁
杜仲半兩失音加杏仁一兩

小引風湯

防風 獨活 細辛 川芎 五味子炒

白茯苓 人參 白芍藥炒 白朮炒 甘草等分

右每服五錢薑三片杏仁五箇水煎服加麻黃從容附子當

歸於羊角等分即大引風湯也

必効竹瀝湯 治中風痰涎壅盛言語塞滯四肢緩縱

秦艽 防風 獨活 附子炮各一錢

右以水二盞煎半盞入生地汁淡竹瀝各半盞再煎四五沸作四服病既去以他藥調治未愈再服最効

星香湯 治中風痰盛服熱藥不得者

南星 木香分等

右每服四錢薑干片水煎

星附湯 治中風痰涎上攻六脈沉伏不知人事

附子生用 南星生用各一兩 木香半兩

右每服四錢薑水煎寒甚加天雄川烏多炙各半關元丹由二五

附方

三化湯 治中風外有六經之形症先以加減續命湯治內有便溺之阻隔者此方主之

厚朴薑汁炒 大黃酒蒸 枳實麩炒 羌活各八兩

右每服一兩水煎

秦艽湯 治中風外無六經之形症內無便溺之阻隔乃血弱不能養於筋手足不能運口強不能言宜養血而筋自榮也

秦艽 石膏碎 甘草炒 川芎 當歸

芍藥炒 羌活 獨活 防風 黃芩炒

白芷 生地黃 熟地黃製白 白木 白茯苓各一兩

細辛半兩

右每服一兩水煎陰兩加生薑七片春夏加知母一兩

省風湯 治中風口噤眼喎斜筋脉攣急抽掣疼痛風熱痰

防風 南星生用各四兩半夏水浸洗生用黃芩炒甘草生用各二兩

右每服五錢水煎

大八風湯 方見後

燒竹瀝法 用新竹截尺許作兩片用兩磚對立竹仰磚上中

以火燒之兩頭瀝自出取煎瀝亦然

烏藥順氣散 治風氣骨節疼痛遍身頑麻手足癱瘓言語蹇

澁宜先疎氣道後隨証投藥

麻黃去節 烏藥 陳皮白去 川芎 白芷

桔梗 枳殼去穢炒 甘草炒各一兩 乾薑炮半兩 僵蠶炒兩

右每服五錢薑水六分頭痛加葱白有汗加薄荷
八味順氣散

白木 白茯苓 青皮 白芷

陳皮炒 烏藥 人參各一兩 甘草炙半兩

右每服五錢水煎

導痰湯

半夏 南星 茯苓 陳皮炒 枳實炒 甘草炒

右薑水煎服

參蘇飲 治痰積中脘暈眩嘈雜怔忡噦逆或痰停關節手足

轉曳口眼喎斜半身不遂嘔吐惡心頭疼發熱

人參 紫蘇葉 半夏 茯苓

本醫完交生歸人及方

乾葛

前胡各三錢

甘草炒

水香

陳皮炒

枳殼

苦梗各半兩

右每服一兩薑水煎腹痛加芍藥

附子理中湯

治中寒不語四肢強其昔有武士守邊大雪出

帳觀瞻忽然暈倒又馬觀文之內厥逆惡寒腹痛服此悉愈

方見十二卷第八論

牛黃清心丸 方見後

秦艽升麻湯

治風寒客於手足陽明經口眼喎斜惡見風寒

四肢拘急其脈浮緊

秦艽二錢

升麻

乾葛

甘草

芍藥炒

人參各半兩

防風

桂枝各二錢

右每劑一兩連鬚白二莖水煎服

犀角散

治肝臟中風筋脉拘攣手足不收坐踞不得曾背強

直脇肋脹滿面赤心煩言語蹇澁或風流注四肢上攻頭面

作痛口眼喎斜脚膝痛之

犀角屑二錢

石膏

羌活

羚羊角各一錢

人參

甘菊花

獨活

黃芩炒

天麻

枳殼去穢炒

當歸

黃芪

芍藥

白朮

酸棗仁炒防風

白芷各五分

甘草五分

右水薑煎

薏苡仁散 治肝臟中風

太醫完交生婦人良方

三卷

十一

蕙苡仁 麻黃去節各一錢半 防風 附子炮去皮
 川芎 栝子仁 桂心 枳殼炒
 石膏 細辛 獨活 羚羊角各一錢
 右薑水煎服

射于湯 治肝經受病多汗惡風善悲噎乾目下青黃可治急
 灸肝膈百壯一黃一白不可治

射干 芍藥各二錢半 蕙苡仁三錢 桂心半錢
 牡蠣 石膏各二錢

右作二劑水煎服
 治肝臟中風心神煩熱言語蹇澁不得安卧

竹瀝 荆瀝 葛根 生薑汁 白蜜各一合

右和勻頻服之

麻黃散 治心臟中風多汗惡風善怒心神顛倒言語蹇澁舌
 強口乾面赤頭痛翕翕發熱曾背拘急手心熱甚偃卧不測
 怵悸恍惚或寒鷗心驚悸口喎冒昧好笑

麻黃去節 白朮 防風 川芎 甘草炙
 漢防己 當歸 人參各一錢 羌活 遠志去心
 茯神去木各一錢半 升麻八分 桂心半錢

右水薑煎入竹瀝少許蓋再煎一二沸
 茯神散 治同前或四肢沉重精神不安或痰氣不利

茯神去木 羌活 麻黃去節 龍齒研 赤芍藥
 甘草炙各一錢 蔓荊子 蕙苡仁 麥門冬去心 人參去蘆

防風去蘆 犀角屑各七分半

右薑水煎服

加味牛黃散 治症同前或恍惚恐亂睡卧不得志意不定

牛黃 麝香 犀角鎊 羚羊角鎊

龍齒各另研 防風 天麻 獨活

人參 茯神去水 升麻 甘草多

白蘚皮 遠志去心各二錢半 天竺黃三錢另研 硃砂另研水飛

鐵粉另研 麥門冬去心各半兩

右為末每服二錢煎麥門冬湯調

遠志湯 治症同前或偃卧不側悶亂胃絕若唇色正赤可治急灸心膻百壯若青黃不定面色時戰慄動者不可治

遠志去心二錢半 人參 石菖蒲 羌活

細辛 麻黃去根各半兩 赤芍藥 白朮各兩

右為末每服二錢煎小麥湯調日二服

防風散 治脾臟中風多汗惡風身體怠惰四肢不能動色微

黃不嗜食舌強語澁口喎斜僻肌膚不仁腹膨心煩翕翕發

熱神思如醉其脉浮緩胃滿痰涎志意昏濁

獨活一錢半 防風 茯神去木 人參

附子炮去皮臍 前胡 沙參 半夏湯洗七次

黃芪炒 旋覆花 羚羊角鎊末 甘草炙各一錢

右水薑煎

白朮湯 治症同前或腹滿身黃嘔吐酸水急灸脾膻百壯目

下及手足青者不可治口角兩邊黃者可治

白木 厚朴薑製 防風各二 附子炮去

橘紅 白蘇皮 五加皮各一

右水薑煎

細辛散 治症同前以肉熱肌膚滯滯如蟲行或汗大塊皮膚不澤唇鼻黃色

細辛 白木 獨活 附子炮去

肉桂 防風各一 厚朴薑製 麻黃去節各

枳實炒 甘草炒各一

右水煎

防風麻黃散 治症同前或志意恍惚肢體沉重

防風 麻黃節去 人參 川芎

附子炮去 桂心 黃芪炒 赤茯苓

酸棗仁炒 白木 獨活 桑白皮炒各

羚羊角鎊末 甘草炒五

右水煎服

五味子湯 治肺臟中風胃滿短氣胃悶汗出噓吸顛掉聲嘶體重四肢痿弱其脈浮晝瘥夜甚偃卧胃悶其鼻兩邊下至口上至眉其色白者急灸肺膈百壯若色黃其肺傷而為血矣撮空拈衣摸床者必死

五味子炒 杏仁炒去 桂心各一 防風去 甘草炙 赤芍藥 川芎各二 川椒分

右水煎服

獨活細辛散 治症同前或頭痛項強背痛鼻乾心悶語塞胸

中少氣四肢疼痛

獨活 細辛

附子皮炮去

甘菊花

麻黃去蘆

白芷

五味子炒

紫苑茸

赤茯苓

肉桂

白朮

川芎

桑白皮各一錢

甘草炙半錢

杏仁去皮炒

防風各一錢

右水煎服

獨活散

治腎臟中風腰疼不得俛仰或偏枯耳鳴語聲渾濁

面色浮腫骨節痠疼精神昏憤喜恐好忘而肌色黎黑身體沉重多汗惡風隱曲不利或兩脚冷痺頭昏耳聾語音渾濁

獨活

附子皮炮去

當歸洗酒

防風

天麻

桂心各一錢

川芎

甘菊花

枳殼炒

山茱萸取肉

黃芪炒

丹參

牛膝酒浸

草薢酒浸

甘草炙

細辛

葛蒲

白朮各半錢

右水煎服

草薢散

治症同前或脊骨促痛不能行立肌膚黑色兩脇赤

黃如餅者可治急灸腎膈百壯齒黃髮稿面如土色者不治

草薢酒浸

狗脊

杜仲炒去絲

白茯苓去皮各一兩

何首烏

天雄去皮炮

澤瀉各半兩

右為末每服二錢米飲調下

吳茱萸丸 治症同前或惡風多汗面色浮腫腰膝疼痛形色憔悴

吳茱萸 細辛 白茯苓 獨活 木香

山茱萸取肉 牛膝酒浸 石斛 草薢酒浸各半兩

附子炮去皮臍 等各二錢

右為末酒糊丸桐子大每服二十九空心鹽湯下日二服

黃芪丸 治症同前或麻痺腫痛少氣肢體乏力

黃芪炒 川椒炒 茴香炒 川烏頭去皮臍

狼毒 防風 川練子肉 白蒺藜炒

地龍去土炒 黑附子炮去皮臍 赤小豆各等分

右為末酒糊丸桐子大每服二三十九溫酒下日二服

四君子湯 六君子湯 補中益氣湯

十全大補湯 八珍湯 加味歸脾湯

加味道遙散 四方見二十四卷第四論

理中湯 方見二十卷第八論

清暑益氣湯 十味香薷飲 二方見本卷第二論

東垣清燥湯 方見四卷第二論

六味丸 方見二十四卷第十一論

獨參湯 方見本卷第十三論

小柴胡湯 方見二十四卷第二論

蘇合香丸 方見後

羌活湯 方見後

甘草附子湯 方見後

平胃散 方見十一卷第十八論

婦人中風角弓反張方論第二

論曰婦人氣虛風入經或產後血虛汗出中風體強口
噤腰背反張名為發瘕因太陽經先傷風復感寒而致如發瘕
狀但脈沉遲弦細無汗惡寒名剛瘕有汗不惡寒名柔瘕無汗
者葛根湯小續命湯有汗者去麻黃加葛根

愚按仲景先生云太陽病發汗太多致瘕風病下之則瘕三
因方云氣血內虛風寒濕熱所中則瘕以風能散氣故有汗
而不惡寒曰柔瘕寒能凝血故無汗而惡寒曰剛瘕非專於

風濕因內虛發汗亡血筋無所榮而然乃虛象也竊謂傷寒
汗下過度與產婦潰瘍等病及因剋伐之劑傷損氣血而變
若金衰木旺先用瀉青丸後用異功散腎水虛用六味丸肝
火旺先用加味小柴胡湯次用加味四物湯發熱用加味道
遙散若本侮脾土用補中益氣加芍藥山梔脾經鬱結用加
味歸脾湯脾土濕熱用大承氣湯大凡病後氣血虛弱用參
朮濃煎佐以薑汁竹瀝時時用之如不應用十全大補湯更
不應急加附子或用參附湯緩則不救仍與後治驗案者

附治驗

一婦人脾胃虛弱忽痰壅氣喘頭搖目劓手揚足擲難以候脈
視其面黃中見青此肝木乘脾土用六君加柴胡升麻治之

而甦更以補中益氣加半夏茯苓而痊

葛根湯 治剛瘧無汗惡風

葛根錢

麻黃去根

殭蠶炒各三分

桂枝

粉草炒

芍藥各五分

大棗三箇

右水煎出汗為度凡產後麻黃宜斟酌用

附木湯 治手足逆冷筋脉拘急汗出項強口噤痰湧

附子炮

白木

獨活各五分

川芎

右棗水煎服

桂心白木湯 治陰瘧手足厥冷筋脉拘急汗出不止

白木

桂心

附子炮

防風

甘草各等分

川芎

右每服五錢薑棗水煎

八物白木散 治陰瘧手足厥冷筋急脉拘而無汗者

白木

麻黃去根

茯苓

五味子炒

羌活各半兩

附子炮

桂心各三錢

良薑一錢

右每服四錢薑水煎凡用麻黃宜斟酌不可過多

附方

通關散 治卒然牙關緊急腰背反張藥不得嚥

細辛

薄荷葉

牙皂角各等分

右為末每用少許吹鼻內候得噴嚏隨進湯藥

瀉青丸 方見二十四卷第三論

異功散 方見二十二卷第三論

六味丸 方見二十四卷第十一論

加味小柴胡湯 方見二十四卷第二論

補中益氣湯 加味四物湯 二方見二十四卷第六論

加味逍遙散 十全大補湯

加味歸脾湯 三方見二十四卷第四論

大承氣湯 方見

參附湯 方見十二卷第三論

婦人中風口噤方論第三

夫中風口噤乃體虛受風入於頰頰蓋手三陽之經結於頰頰上夾於口風邪乘之則筋攣故牙關急而口噤也愚按前症若風邪客於手足陽明經口眼喎斜用秦艽升麻

湯若風熱傷氣用省風湯當與後方同用

附治驗

一婦人因怒經事淋瀝半月方竭遇怒其經即至甚則口噤筋攣鼻衄頭痛痰瘕搐搦瞳子上視此肝火熾甚以小柴胡湯加熟地黃山梔釣藤治之後不復發

一婦人素陰虛患遍身瘙癢誤服祛風之藥口噤抽搐肝脈洪數余曰肝血為陰為水肝氣為陽為火此乃肝經血虛火盛耳宜助陰血抑肝火用四物麥門五味柴胡山梔生草熟地頓止又以八珍黃芪麥門五味釣藤多草調理而痊

天南星散 治中風口噤四肢拘急或痰氣上壅

天南星 薑汁 炒黃 白附子 炮 黑附子 炮

烏蛇肉酒

全蝎炒等

右為末每服半錢薑汁温酒調灌

走馬散 治中風口噤四肢強直

黑附子炮

天麻各半

桂心

石膏

麻黃去根

蝎梢炒

川烏炮去皮

南星炮各

麝香二分

右為末每服三分豆淋酒調灌

附方

秦艽升麻湯

省風湯二方見本卷第一論

小柴胡湯

方見二十四卷第二論

四物湯

方見二十四卷第六論

八珍湯

方見二十四卷第四論

婦人中風不語方論第四

巢氏云脾脉絡胃夾咽連舌本散舌下心之別脉係舌本若心脾受邪則舌強不能言然喉嚨者氣之上下也會厭者聲之戶舌者聲之機唇者聲之扇若風寒客於會厭故卒然而瘖經云醉卧當風使入發瘖

愚按前症若因痰迷心竅當清心火若因濕痰舌強當清脾熱若因風熱牙關緊急當清肝火若因風痰塞喉當導痰涎若因虛火上炎當壯水之主若因氣虛厥逆當益火之源若因腎虛舌瘖而不語當補腎氣

附治驗

一婦人因怒作地痰湧不語灌半黃清心丸稍甦用神仙解語湯加山桅柴胡桔梗漸愈又用六君柴胡山桅枳殼而痊一婦人忽然不語半年矣諸藥不應兩尺浮數先用六味丸料加肉桂數劑稍愈乃以地黃飲子三十餘劑而痊男子多有此症亦用此藥治之

神仙解語丹 治心脾受風言語蹇澁痰唾溢盛

白附子炮

石菖蒲毛

遠志去心甘草水煮十沸

天麻

全蝎

羌活

南星牛膽釀如無只炮各一兩

木香兩

防風湯 右為末麵糊丸桐子大每服二三十丸薄荷湯下

石斛酒一兩半各一錢

生地黄

杜仲去皮切薑汁炒

丹參各一錢

防風

川芎

麥門冬去心

桂心

獨活

右每服五錢棗水煎

竹瀝湯 治風中肝脾四肢不遂音強語滯或痰涎上湧

葶靈仙

附子炮

苦梗

蔓荆子

防風

枳殼去穢炒

川芎

當歸各等分

右每服四錢薑水煎入竹瀝半盞日四服忌飲茶

三黃獨活湯 治中風手足拘攣半身不遂失音不語

麻黃去根節

黃芪半兩

黃芩七錢

獨活一兩

○太醫完交生婦人良方

右每服四錢水煎取汗為效

小省風湯

治中風癱瘓口眼喎斜已禁不語手足頑麻

防風

南星湯砲各甘草煎

右每服四錢薑十片水煎

秦芫升麻湯方見本卷第一論

愈風湯 治諸風肢體麻木手足不隨不能動履等症

天麻

牛膝同酒浸

革薺另研

玄參各六

杜仲七

羌活十四

當歸

熟地黄製

生地黄各一

獨活兩

肉桂兩

右為末煉蜜丸桐子大常服五七十九病甚至百九空心食

前溫酒或白湯下

地黄飲子 治腎虛弱舌瘖不能言足廢不能行

熟地黄製

巴戟去心

山茱萸核

肉蓯蓉酒浸

石斛

附子炮

五味子炒

白茯苓

石菖蒲

遠志甘早

桂心

麥門冬去心各

右每服三錢入薄荷少許薑棗水煎服

牛黃清心丸

治諸風癱瘓語言蹇澁健忘恍惚頭目眩暈胸

中煩鬱痰寒喘嗽精神昏憤或尋常風痰咳嗽或傷寒陽症

汗下不解發熱煩渴其效如神

牛黃二錢

麝香

龍腦三味

羚羊角一鎊末各 當歸洗酒 防風 交門冬去心
 黃芩 白芍藥各一兩半 白朮 柴胡 杏仁去皮 大豆黃卷 阿膠各一兩
 白茯苓 肉桂 蒲黃 人參去蘆 甘草五兩 犀角鎊末 金箔一千三百井內
 雄黃另研 乾薑七錢 乾山藥七兩 大棗一百枚蒸熟去皮核研爛成膏
 右各另為末煉蜜與棗膏丸每兩作十丸用金箔為衣每服
 一丸溫水化下

蘇合香丸 治氣中痰氣上攻牙關緊急不省人事或卒暴氣
 逆心痛鬼魅惡氣及一切氣滯等症
 沉香 麝香 訶子肉 丁香
 青木香 安息香 香附 草撥
 白朮 白檀各二兩 薰陸香 蘇合油各一兩
 龍腦另研 朱砂研 烏犀角鎊末
 右為末用安息香并煉蜜丸桐子大溫水化服四九每兩作
 十九熔黃臘包裹為善
 青州白丸子 治半身不遂口眼喎斜痰涎壅塞手足頑麻
 半夏七兩水洗 川烏頭去皮
 南星二兩生用 白附子二兩生用

卷之三十三
 二十三

右為末用絹袋盛之水浸日如急用以糊丸桐子大每服十丸薑湯下

瓜蒂散

瓜蒂二錢

赤小豆五分

右為末每夜於鼻內啗之取下黃水內服涼劑

六君子湯

方見二十四卷第六論

婦人風痺手足不隨方論第五

夫婦人風痺手足不隨或肌膚疼痛或肢體麻木蓋諸陽之經皆起於手足循行肢體因氣虛風邪所客而為患也

愚按經云邪之所湊其氣必虛前症若風邪滯肝或怒動肝火血燥筋變用加味逍遙散脾肺氣虛肌膚不仁手足麻木

用三痺湯若腎水虧損不能滋養筋骨或肝脾血虛而筋痿痺用六味丸服燥藥而筋攣者用四物生甘草氣血俱虛用八珍湯何醫林集要等方新刊丹溪心法附錄云若人大指麻木不仁或手足少力或肌肉微掣三年內必有太風之症宜先服八風湯天麻丸防風通聖散以預防之殊不知河間云風者病之末也所以中風有癱瘓者非謂肝木之風內中亦非六淫風邪外襲良由五志過極心火熾盛腎水虛衰不能制之則陰虛陽實而熱氣拂鬱心神昏憤筋骨無用而卒倒無知也治當以固元氣為要若遽服八風等藥則反傷元氣適足以招風取中仍參本卷首論主治

附治驗

一婦人因怒吐痰胸滿服二陳順氣化痰之劑半身不遂內熱口乾形氣殊倦余視之乃肝火熾盛而侮脾土也用逍遙散補中益氣湯六味地黄丸喜其慎疾年餘而愈

一孀婦胸脇脹痛內熱哺熱月經不調肢體痠麻不時吐痰或用清氣化痰藥喉間不利白帶腹脹又用清熱理氣藥胸膈不寬肢體時麻余曰此本鬱怒傷肝脾前藥傷甚耳朝用歸脾湯以解鬱結生脾氣夕用加味逍遙散以生肝血清肝火百餘劑而愈後因怒肢體復麻用補中益氣加山梔茯苓半夏而痊後復怒病再作月經如注脉洪而數此肝火傷脾不能攝血所致也用六君芍歸炮薑一劑而血止用補中益氣加炮薑茯苓半夏四劑而胃醒更用歸脾湯逍遙散調理而愈

一婦人頭暈吐痰用化痰理氣藥肢體或麻服祛風化痰藥肢體常麻手足或冷或熱此脾土虛而不能生肺金用補中益氣加茯苓半夏炮薑二十餘劑脾氣漸復諸症稍愈更用加味逍遙散三十餘劑而愈後因怒吐痰自服清氣化痰丸飲食不進吐痰甚多胸脇脹滿余用六君子倍加參朮少加木香數劑而康

三痺湯 治血氣凝滯手足拘攣風痺等疾

- | | | | |
|-----------------------|-----------------------|-----------------------|------------------------|
| 續斷 <small>酒浸炒</small> | 杜仲 <small>去皮切</small> | 防風 | 桂心 |
| 細辛 | 人參 | 白茯苓 | 當歸 |
| 白芍藥 <small>炒</small> | 黃芪 <small>炒</small> | 牛膝 <small>酒浸炒</small> | 甘草 <small>炒各五分</small> |
| 秦艽 | 生地黃 | 川芎 | 獨活 <small>各三分</small> |

右薑水煎服

五痺湯 治風寒濕氣客留肌體手足緩弱麻痺不仁

片薑黃

羌活

白朮

防己 錢一

甘草 分五

石薑水煎服

附方

東垣羌活湯 治濕熱身重或眩暈麻木小便赤澀下焦痿軟不能行履

羌活

防風

柴胡 各一錢

藥本

獨活

茯苓

澤瀉


猪苓

黃芪 炒

甘草 炙

陳皮

黃柏 酒炒



黃連

蒼朮

升麻

川芎 各五分

右水煎服

甘草附子湯

治風濕相搏骨節煩疼不時抽痛不能伸屈

之則痛劇汗出短氣小便不利惡風不欲去衣或微腫痛

甘草 炙一兩

附子 一枚重一兩三四錢方

是炮去皮尖不真不効

白朮 炒一兩

桂枝 二兩

右每服五錢水煎

八珍湯

治肝脾氣血俱虛不能養筋以致筋攣骨痛或不能

行履或發熱晡熱寒熱往來等症

加味逍遙散

治肝經風熱血燥筋攣肢體不遂內熱晡熱等

歸脾湯

三方見二十四卷第四論

六書完交主婦人良方

三

二十六

六味丸 方見二十四卷第十一論
四物湯 補中益氣湯
六君子湯 三方見二十四卷第六論

婦人中風自汗方論第六

右方續命排風越痺等湯皆用麻黃取其發汗而散風邪也然
而無汗者為宜若自汗者用之則津液轉脫反為大害故仲景
云中風自汗用桂枝湯發擗口眼攣動遍身出汗用獨活湯續
命黃散以復榮衛而却風邪
愚按前症若腠理不固而自汗者用桂枝湯或防風白朮牡
蠣湯若過服風藥而自汗者用白朮防風湯若陽氣虛弱而
自汗者用芪附湯若蕪滋汗用補中益氣湯送六味丸如不

應用當歸六黃湯

獨活湯 治風虛昏憒手足痠癢發熱及中風自汗等症

獨活 羌活 人參 防風

當歸 細辛 茯神去木 半夏

桂心 白薇 遠志去心 菖蒲

川芎各五分

右薑水煎服

續命黃散 治風氣昏憒四肢無力口眼攣動或時搐溺或津

液不足渴飲熱湯及產後中風自汗等症

防風 獨活 當歸 人參

細辛 葛根 芍藥炒 川芎

甘草炒

熟地黄製

半夏

遠志去心

荆芥穗各半兩

桂心七錢半

右每服五七錢薑水煎汗不止加牡蠣粉五分

防風白朮牡蠣散

治中風氣虛膝理不密自汗不止等症

白朮炒

牡蠣煨

防風等分

右為末每服二三錢米飲下日三服如不止服黃芪建中湯

附方

柴胡桂枝湯

治傷風發熱自汗或鼻鳴乾嘔或痰氣上攻等症

桂枝二錢

黃芩炒

人參

白芍藥炒各錢半

甘草炙

半夏製

生薑各錢

柴胡四錢

大棗二枚

右作一劑水煎服

白朮防風湯

治服表藥過多而自汗者

白朮炒

黃芪炒各二兩

防風兩一

右每服五七錢水煎溫服未應倍之

芪附湯

方見十九卷第六論

補中益氣湯

方見二十四卷第六論

六味丸

方見二十四卷第十一論

當歸六黃湯

方見十九卷第六論

婦人筋脈痠痺方論第七新附

醫學綱目云痠者筋脈急也痺者筋脈緩也急則引而縮緩則縱而伸或縮或伸動而不止者名曰痠痺俗謂之發搐是也凡

癩癩風症破傷風三症皆能癩癩但癩癩則作地不省風癩癩
癩則角弓反張破傷風癩癩則有瘡口竊謂癩者屬肝經風熱
血燥或肝火妄動血傷癩者屬肝經血氣不足或肝火汗多亡
血以致手足伸縮不已抽搐不利若因風熱血燥用羚羊角散
加鈞藤鈎山梔若肝火妄動用加味四物湯加鈞藤鈎山梔若
肝經血氣不足用八珍湯加鈞藤鈎山梔若肝火亡血用加味
逍遙散加鈞藤鈎山梔如不應須用六味丸以補腎水生肝木
為主佐以前劑治之若其脈長弦者是肝之本脈也則易治其
脈短澁者是肺金剋肝木也則難治其面色青中見黑者是水
生水也當自愈青中見白者是金剋木也必難愈

附治驗方藥

一婦人素口苦月經不調或寒熱姙娠五月兩臂或拘急或緩
縱此肝火傷血所致也用四物加柴胡山梔丹皮鈞藤鈎治
之而愈

一姙婦因怒寒熱頸項動掉四肢抽搐此肝火血虛風熱用加
味道遙加鈞藤鈎數劑而痊

附方

羚羊角散 方見十四卷第二論

加味四物湯 方見二十四卷第六論

八珍湯 加味道遙散 二方見二十四卷第四論

六味丸 方見二十四卷第十一論

婦人顛振方論第八 新附

大醫宗要論卷第八 婦人方 三

黃帝曰人之顫者何氣使然岐伯曰胃氣不實則諸脈虛諸脈虛則筋脈懈墮筋脈懈墮則行陰用力不復故為顫因其所在補分肉間醫學綱目云顫振與瘰癧相類瘰癧則手足牽引而或伸或屈顫振則但顫動而不伸屈也胃虛有痰用參朮以補氣茯苓半夏以行痰如實熱積滯用張子和三法

愚謂顫振者掉眩也易曰鼓萬物者莫疾乎風鼓之為言動也大抵掉眩乃風木之搖運也諸風掉眩皆屬於肝治法若肝木實熱用瀉青丸肝木虛熱用六味丸肺金尅肝木用瀉白散肝木虛弱用逍遙散加參朮鈞藤鈎脾血虛弱用六君子加芎歸鈞藤鈎胃氣虛弱用補中益氣湯加鈞藤鈎若產後顫振乃氣血虧損虛火益盛而生風也切不可風為論

必當大補斯無誤矣

附治驗方藥

一婦人性善怒發熱經水甚過期則不及肢體倦怠飲食少思而顫振余以為脾氣不足肝經血少而火盛也午前以調中益氣湯加茯苓貝母送六味丸午後以逍遙散送六味丸兩月餘而愈

一婦人身顫振口妄言諸藥不効余以為鬱怒所致詢其故蓋為素嫌其夫而含怒久矣投以小柴胡湯稍可又用加味歸脾湯而愈

附方

海藏愈風湯

治產後一切失血過多及汗後中風搖擗方見

二論

交加散 治癩癧或顫振或產後不省人事口吐痰涎

當歸 荆芥穗分

右為細末每服三錢水一盞酒少許煎至七分灌下咽即有生理

增損柴胡湯 治產後或經適斷致手足牽搐咬牙昏冒異症

柴胡八錢 黃芩炒四錢 半夏各三錢 石膏四錢

知母二錢 黃芪炒五錢 甘草炙二錢

右為粗末每服半兩薑五片棗四枚水煎溫服

本事青鹽丸 治肝腎虛損腰膝無力顫振躄曳

茴香末二兩 兔絲子末四兩 乾山藥末二兩 青鹽一兩

右先將兔絲子洗淨無灰酒浸晒七日冬天近火煨炙乾另為細末和勻酒糊丸梧子大每服五七十九溫酒或鹽湯下

常服壯筋力進飲食一婦人素患足躄曳及服此藥履地如

本事星附散 治中風能言而手足躄曳脉虛浮而數

天南星 半夏二味薄切片薑汁浸透 黑附子

白附子炮 川烏炮 白殭蠶炒 沒藥

人參 白茯苓各等分

右為粗末每服二錢酒水各一盞同煎至八分去滓熱進三二服汗出即瘥予在桐廬有患此症用前藥三服得汗手足即能舉物

三因獨活散 治氣虛感風或驚恐相乘肝膽受邪使上氣不

守正位致頭招搖手足顫掉漸成目昏

獨活

地骨皮

細辛

芎藭

菊花

甘味者

防風

去分甘草

右為粗末每服三錢水盞半煎至一盞去滓煎取清汁六分入竹瀝少許再煎一二沸食後溫飲日二服

世傳茯苓丸治手臂抽牽或戰掉不能舉物服此藥立愈又

治臂痛如神方見後并註兼治之法

附方

補中益氣湯方見二十四卷第六論

六味丸方見二十四卷第十一論

加味歸脾湯

逍遙散二方見二十四卷第四論

小柴胡湯

方見二十四卷第二論

婦人風寒臂痛方論第九

婦人臂痛或筋脉攣急遇寒則劇者由肝氣虛弱風寒客於經絡故其脉緊細宜用栝子仁丸舒筋湯若臂痛而不能舉或痛無定處此脾虛邪氣相搏中腕伏痰故其脉沉細如此宜用茯苓丸控涎丹王之

愚按前症若肝血虛用加味道遙散中氣虛用補中益氣湯血氣俱虛用八珍湯風熱血燥用秦艽地黃湯脾腎虛寒用栝子仁丸脾胃實熱用茯苓丸水不能生不用六味丸逍遙散怒動肝火用小柴胡加川芎當歸眩暈補熱用四物柴梔丹皮補熱月經不調用加味道遙散食少體倦無寐盜汗用

加味歸脾湯

附治驗

先太宜人遍身作痛，筋骨尤甚，不能屈伸，口乾目赤，頭眩痰壅，胸膈不利，小便赤短，夜間殊甚，遍身作痒，如蟻行，此屬肝腎氣虛而熱也。用六味地黃丸料，加山梔柴胡而愈。

栝子仁丸

栝子仁二兩

熟地黃二兩

茯苓

枳殼去穢

覆盆子炒

五味子炒

附子

石斛酒蒸

鹿茸酥炙

酸棗仁炒

桂心

沉香

黃芪各一兩

右為末，煉蜜丸，桐子大，每服二十九，空心溫酒下。

舒筋湯

治風寒所傷，肩臂作痛，及腰下作痛，又名五痺湯。

片薑黃錢

甘草炒

羌活各三分

白朮

海桐皮

當歸

赤芍藥各五分

右水煎服

茯苓丸

治脾氣虛弱，痰邪相搏，停伏中脘，以致臂內筋脈攣急而痛。

茯苓二兩

半夏薑製

枳殼半兩

風化朴硝一兩

右為末，薑汁糊丸，桐子大，每服二十九，食後薑湯下。

控涎丹

凡人忽胸背手足頭項腰膝牽痛，不定，或頭痛昏倦，痰唾稠粘，喉中鋸聲，手脚重痺，此痰涎伏於胸膈也。宜此治之。

甘遂法

大戟法

真白芥子各等分炒

右為末糊丸桐子大臨卧薑湯下五七丸痰盛服十九丸
白芥子散 治臂痛牽引背脾或輟或作由榮衛循行失度痰
滯經絡或似癱瘓

真白芥子 木鱉子各三兩 沒藥另研
桂心 木香各半兩

右為末每服一錢溫酒下

愚按前三方脾氣虛弱者必佐以六君子湯中氣虛弱者必
佐以補中益氣湯氣血虛者必佐以八珍湯脾氣鬱滯者必佐
以歸脾湯肝經怒氣者必佐以逍遙散若專用前方治之胃
氣益虛病氣益甚不可不謹
流氣飲 治七情氣滯胸脇悶痞咽喉不利嘔喘面浮二便不

調或氣攻肩背脇肋作痛或脚氣喘急腹脹便閉元氣充實
者宜用此藥慎之

紫蘇葉 黃芪炒 青皮白去 當歸
半夏製 烏藥 芍藥炒 茯苓
桔梗 防風各五錢 川芎 陳皮各七錢
枳實炒 木香二錢五分 甘草炙五 大腹子薑製

交加散 方見前

四物湯 治血滯中風血虛手足不遂如臂痛加紅花煎方見
交加散加木瓜牛膝治冷痺肩臂作痛即人參敗毒和五精散
烏藥順氣散加羌活木瓜治外邪氣滯筋骨作痛或痰氣不利

附方

秦朮地黃湯

治肝膽經風熱血燥有臂疼痛或筋脉引急或

時牽痛其肉症發熱或寒熱晡熱月經不調或肢體酸痛

秦朮

熟地黃

當歸

川芎

芍藥

牡丹皮

白朮

茯苓

釣藤鈎

柴胡

甘草

右水煎服

逍遙散

加味道遙散

加味歸脾湯

八珍湯

四方見二十四卷第四論

六味丸

方見二十四卷第十一論

小柴胡湯

方見二十四卷第二論

四物湯

補中益氣湯

二方見二十四卷第六論

婦人賊風偏枯方論第十

論曰賊風偏枯其狀半身不遂肌肉枯瘦骨間作痛經云汗出偏枯如樹木一枝津液不到則枯槁被風所害古人有云醫風先醫血血行風自滅治法當用大八風湯增損茵芋酒續斷湯以養其血則風自祛矣

愚按醫風先醫血此論得之太抵此症多因胎前產後失於調養以致精血乾涸肝木枯槁治法當滋其化源考之生氣通天論曰風客淫氣精乃亡邪傷肝也陰陽志象大論曰風氣通於肝風搏則熱盛熱盛則水乾水乾則氣不榮故精乃亡此風病之所由作也

附治驗

一婦人性善怒常自汗月經先期余以為肝火血熱不信乃沈用降火之劑反致月經過期復因怒口噤呻吟肢體不遂六脉洪大面自赤色用八珍麥門五味山柅丹皮數劑漸愈兼用逍遙散六味丸各三十餘劑全愈

大八風湯

治中風偏枯失音不語時復恍惚或昏憤發熱

當歸

杏仁去皮尖

甘草炒

桂心

乾薑

炮各二兩 五味子炒

升麻各二兩

川烏炮去皮尖

黃芩炒

芍藥炒

獨活

防風

川芎

麻黃去節

秦艽

石斛去根酒浸

人參

茯神木

石膏

黃芪炒

紫苑

各一兩 大豆三兩去皮

右每服五錢水煎服

續斷湯

當歸

陳皮

芍藥炒

細辛

各一兩

生地黄

續斷酒浸炒

右每服五錢水煎服臍下痢加熟附子一兩

金生虎骨散 治半身不遂肌肉乾瘦忌用麻黃發汗恐津液

枯竭惟當潤筋養血消風

當歸

赤芍藥

續斷酒浸炒

白朮

藁本

虎骨炙各五兩

烏蛇肉炙半兩

右為末每服二錢酒調骨痛加生地一兩白朮加天雄半兩

虎脛骨酒 治中風偏枯四肢不隨一切風痺筋脉攣拳

石斛 石楠葉 防風 虎脛骨炙

當歸 茵芋葉 杜仲炒 牛膝酒浸

續斷酒浸 芎藭 巴戟心 狗脊各一兩

右以絹囊盛藥用酒一斗漬十日每服一盞溫飲

附方

八珍湯 逍遙散 二方見二十四卷第四論

六味丸 方見二十四卷第十一論

婦人偏風口喎方論第十一

論曰偏風口喎者因體虛受風而入足陽明胃經蓋足陽明之經上夾於口風乘之其筋偏急故也

愚按前症當參本卷首論治之

附治驗方藥與前諸

一婦人懷抱鬱結筋攣骨痛喉間似有一核服烏藥順氣等藥口眼歪斜臂難伸舉痰涎愈多內熱晡熱食少體倦余以為鬱火傷脾血燥生風用加味歸脾湯二十劑形體漸健飲食漸進又用加味逍遙散十餘劑痰熱少退喉核少消更用升陽益胃湯數劑諸症漸愈但臂不能伸此肝經血少而筋攣耳用六味地黃丸以滋腎水生肝血而愈

附方

升陽益胃湯 治脾胃虛弱肢體怠惰或體重節痛口舌乾渴飲食無味大便不調小便頻數飲食不消兼見肺病瀉痢惡

寒悽慘不樂乃陽氣不和也

羌活

獨活

防風各五錢

柴胡

白朮

茯苓

渴者不用澤瀉各三錢

人參

黃連炒

陳皮各四錢

右每服三五錢薑棗水煎服如小便愈而病益加是不宜利小便也當少減茯苓澤瀉

加味歸脾湯

加味逍遙散

二方見二十四卷第四論

六味丸

方見二十四卷第十一論

婦人怔忡驚悸方論第十二

夫心藏神為諸臟之主血氣調和則心神安靜若勞傷心血外邪乘襲則心神驚悸恍惚憂懼不安用排風湯治之愚按丹溪先生云驚悸者血虛用誅砂安神丸痰迷心竅用

定志丸怔忡者屬火屬痰思慮便動者屬虛時作時止者火動也假如病因驚而致驚則神出其舍曰痰乘而入矣蓋人之所主者心心之所養者血心血一虛神氣不守此驚悸之所由作也治當調養心血和平心氣而已金氏婦暑月赴避因坐次失序自愧成病言語失倫兩脉弦數余曰當補脾胃道痰清熱不信以數巫者噴咒之而死或謂病既無邪以邪治之何至於死予曰暑月赴避外受蒸熱辛辣適口內傷鬱熱而况舊有積痰加之愧悶其痰愈盛又驚以法尺益驚其神而氣血不寧噴以法水閉其肌膚而汗不得泄內燔則陰既消而陽不能獨立不死何待故滑伯仁先生云若膽氣虛寒用茯神湯膽氣實熱用酸棗仁丸心氣虛熱用定志膏茯苓

補心湯心氣實熱用硃砂安神丸茯神散

附治驗方

文學歸雲橋內月事不及期忽崩血昏憤發熱不寐或謂血熱妄行投以寒劑益甚或謂胎成受傷投以止血亦不效余曰此脾氣虛弱無以統攝故耳法當補脾而血自止用補中益氣加炮薑不數劑而驗惟終夜少寐驚悸別服八物湯不效余曰雜矣乃與歸脾湯加炮薑以補心脾遂如初

一婦人勞則心跳怔忡寒熱往來用歸脾湯為主佐以八珍湯諸症漸愈又用加味逍遙散寧志丸而安後復作服歸脾定志二藥即愈

一婦人患驚悸怔忡日晡發熱月經過期飲食少思用八珍湯

加遠志山藥酸棗仁三十餘劑漸愈佐以歸脾湯全愈後因勞發熱食少體倦用補中益氣湯又因怒適月經去血不止前症復作先以加味逍遙散熱退經止又用養心湯治之而一婦人驚悸怔忡無寐自汗盜汗飲食不甘怠惰嗜卧用歸脾湯而愈至年餘懷抱鬱結患前症兼衄血便血仍用前湯愈

茯神散 治五臟氣血虛弱驚悸怔忡宜用此安神定志

茯神 去木 人參 龍齒 獨活

酸棗仁 炒各三錢 防風 遠志 去心 桂心

細辛 白木 炒各三錢 乾薑 炮各二兩

右為末每服四五錢水煎服或蜜為丸服

茯苓補心湯 治心氣不足善悲愁怒衄血面黃五心灼或

○大醫百卷之友主授人良方 三 卷 三十一

咽喉痛舌本作強

茯苓_{兩四}

桂心

甘草_{炒各三兩}

紫石英_煨

人參_{各一兩}

大棗_{枚二十} 麥門冬_{去心三兩}

赤小豆_{四粒}

右水七升煎二升半分三服

茯神湯

治膽氣虛冷頭痛目眩心神恐畏不能獨處胸中煩

茯神_{木去}

酸棗仁_炒

黃芪_炒

栝子仁_炒

白芍藥_炒 五味子_{杵炒各一兩}

桂心

熟地黃_{自製}

人參

甘草_{炒各半兩}

右每服五錢薑水煎

酸棗仁丸

治膽氣實熱不得睡卧神思不安驚悸怔忡

茯神_{木去}

酸棗仁_炒

遠志_{心去}

栝子仁_炒

防風_{兩各一}

枳殼_炒

生地黃_{杵膏各半兩}

青竹茹_{二分}

右為末煉蜜丸桐子大每服七八十九滾湯下

定志丸

治心神虛怯所患同前或語言鬼怪喜笑驚悸

人參

茯苓_{各一兩}

菖蒲

遠志_{去心各一兩}

右為末蜜丸如前服

養心湯

治心血虛驚悸怔忡不寧或盜汗無寐發熱煩躁

黃芪_炒

白茯苓

茯神_{木去}

半夏_麩

當歸_{酒拌}

當歸_{酒拌}

川芎_{各半兩}

辣桂_皮

栝子仁

酸棗仁_炒

五味子_{杵炒}

人參_{各三錢}

甘草_{炙四錢}

右每服三五錢薑棗水煎服

研砂安神丸

治心經血虛頭暈心神驚悸等症

硃砂飛過

黃連酒洗

甘草炙

生地黃

當歸各一錢

右為末飯糊為丸每服十五丸如一二服不應當服歸脾湯

補之

治要茯苓散

治心經實熱口乾煩渴眠卧不安或心神恍惚

扶神

麥門冬各一兩

通草

升麻各一兩

紫苑

桂心各七錢

知母一兩

赤石脂一兩七錢五分

大棗十二枚

淡竹茹五錢

右每服一兩水煎

補中益氣湯

方見二十四卷第六論

歸脾湯

八珍湯

加味道遙散

三方見二十四卷第四論

寧志丸

方見後

婦人失血心神不安方第十三

原無

竊謂前症若脾肝鬱熱用加味道遙散脾肝鬱結用加味歸脾湯脾胃虛弱氣血不足用八珍湯十全大補湯脾肺虛弱氣血不足用補中益氣湯六君子湯痰氣鬱滯用六君桔梗貝母如不應審係氣虛但補脾胃如不應獨參湯如惡寒發熱屬氣血俱虛內熱補熱屬血虛作渴面赤是血脫煩躁皆宜甘苦之劑以補陽氣而生陰血經云血脫補氣若用寒涼之劑以降火則誤矣仍審所屬之因而治之

寧志膏 治失血心神不安言語失常不得安睡等症

辰砂研 酸棗仁炒 人參 白茯苓

琥珀另研五分 各滴乳香研一錢

右為末每服一錢煎棗湯空心調下

附方

妙香散 治心氣不足精神恍惚虛煩少睡盜汗等症

甘草炒五分 遠志去心炒一兩 辰砂別研三錢 麝香另研二錢

山藥薑汁炙一兩 人參錢五 木香煨二分 茯苓

茯神去木 黃芪兩 桔梗錢五

右為末每服二錢溫酒調

茯神湯方見前

溫膽湯 治膽虛痰熱驚悸不眠

半夏 竹茹 枳實炒各

陳皮 生薑四 甘草兩二

右每服一兩水煎

半夏湯 治膽腑實熱精神恍惚寒熱泄瀉或寢汗增風善息

半夏一錢五分 黃芩錢一 遠志錢一 生地黄錢二

秫米合 酸棗仁炒三錢 宿砂五分

右長流水煎服

獨參湯 治元氣虛弱惡寒發熱或作渴煩躁痰喘氣促或氣

虛卒中不語口噤或痰涎上湧手足逆冷或難產產後不省

喘急用好人參二兩或三四兩炮薑五錢一劑水煎服

蓋人參性寒故薑佐之如不應急加炮附子

加味道遙散

加味歸脾湯

八珍湯

十全大補湯

四方見二十四卷第四論

補中益氣湯

六君子湯

二方見二十四卷第六論

婦人風邪顛狂方論第十四

婦人顛狂由血氣虛而風邪所乘若邪并於陰則發狂邪并於陽則發顛夫顛者卒發而意不樂直視仆地吐沫涎沫口喎目急手足撩戾無所知覺良久而甦狂者少卧不飢自高賢自辨智自貴僭妄笑歌樂妄行不休素問云陽厥狂怒飲以鉄落出於肝屬木鉄落金也以金制木之意一婦人眼見鬼物言語失常循衣直視或作心病治之無效投養正丹二服煎乳香送二生飲立愈養正丹三

生飲方見本卷第一論

愚按前症劉宗厚先生云有在母腹中受驚者或有聞大驚而得者蓋驚則神不守舍含空則痰涎歸之或飲食失節胃氣有傷痰停胸膈而作當尋入尋痰固元氣若頑痰膠固上膈必先用吐法若在腸胃亦須下之

竊謂此症若因元氣虛弱或痰盛發熱等皆是虛象如慢驚症無風可祛無痰可逐但補脾胃生氣健旺神智自清痰涎自化若誤用辛散祛逐腦麁之劑必為敗症

附治驗

一婦人素清苦因驚而顛或用風痰等藥愈甚余用參芪歸朮濃煎佐以薑汁竹瀝三劑餘方愈仍參十八十九卷年

防風扶神散 治風顛啼泣歌笑或心神恐懼或語言失節

防風 扶神木 獨活 人參

遠志心去 龍齒 葛蒲毛去 石膏

牡礪服各 秦朮 禹餘糧煨 桂心各五

甘草炒三 蛇蛻一條

右每服五錢水煎服

排風湯

牛黃清心丸 治諸風緩縱不隨言語蹇澁痰涎壅盛怔忡健

忘或發癲狂 二方見本

婦人飛尸血厥方論第十五

夫飛尸者遊走皮膚穿行臟腑每發刺痛變作無常道尸者附

骨入肉攻通血脈見尸喪聞哀哭便發風尸者濕淫四肢痛而
昏沉得風雪便作沉尸者纏骨結臟內腫心脇發而絞痛遇寒
冷便作注尸者舉身沉重精神錯雜時覺昏憤每至節氣便作
並宜蘇合香丸治之

愚按丹溪云凡以忽手足逆冷肌膚起如米粒頭面青黑精
神恍惚或錯言妄語或牙關緊急或昏寐仆倒而死問喪入
廟登臺多有此病先以蘇合香丸灌之次服調氣散平胃散
玉機微義云卒厥飛尸客忤鬼擊口禁用麻黃湯寒厥表熱
裏寒則下利清穀食入則吐脉沉手足冷用四逆湯熱厥腹
滿身重難轉面垢譫語遺溺手足厥冷自汗脉沉滑用白虎
湯若人身忽然不動目閉口禁惡聞聲音眩暈頃時方醒此

由出汗過多氣併於血陽獨止而不下氣壅塞而不行氣
過血還陰陽復通移時方寤名曰鬱員亦名血厥宜服白薇
湯倉公散

附治驗

錦衣楊永興舉家避毒有僕沉醉失避者既而神思昏昧遍
身青傷各煎金銀藤湯灌之即愈
一婦人忽昏憤發謔語自云為前謀賴某人銀兩其神責我將
你起解往城隍理問兩脚踝膝處皆青腫痛不可忍口稱
苦楚次日方甦痛尚不止用金銀藤兩許水煎服即愈
一婦人入古墓患前症以紫金錠灌之即甦通政余子華太常
汪用之皆因往弔而卒死衣家想即是症

蘇合百九 方見本草卷第四論

白薇湯

白薇 當歸各一 人參 甘草錢一

右每服五錢水煎

倉公散 治卒中鬼擊心腹如刺下血不省及卧壓齒脚指不
覺并諸毒等症

皂莢 藜蘆 雄黃研 礬石肢研各

右每用少許吹入鼻中未嚏再吹以得嚏為度

內鼻散 治尸厥脉動靜而若死用石菖蒲末吹鼻中仍以桂
未安於舌上蘇合香

硫黃散 治尸厥不省四肢逆冷腹中如雷鳴或痰氣不降

焮硝研

硫黃一兩各另

右每服三分酒調灌之良久再服即甦

附方

麻黃湯 治寒厥或傷寒惡風發熱身疼無汗者

麻黃六錢

桂枝四錢

甘草二錢

杏仁二十枚炒

右作二劑水煎服

調氣散 治氣厥不省或痰氣上壅及治氣滯胸膈不利

白豆蔻

丁香

檀香

木香各二錢

藿香

甘草各六錢

砂仁四錢

右為末每服二錢入盞少許沸湯調下

四逆湯

白虎湯

二方見心卷第二論

神仙避毒丸

又名紫金錠又名太乙丹能解一切毒或疥癩神

革毒菌河鮑疫死牛馬肉毒或蛇犬惡蟲所傷及鬼怪惡瘡

等毒或二廣斷腸草蛇毒化菌等毒

文蛤

即五倍子槌破洗焙為末三兩

山茨菰去皮淨末二兩

千金子

一名續隨子去殼研去油一兩

麝香研二錢另

紅牙大戟去蘆焙為末一兩半

右用糯米濃飲和作四十粒用井華水或薄許湯磨服利下

兩次用粥止之脩合須端午七夕重陽或天德月德日於淨

室焚香修製効驗不能具述宜珍藏之凡人居家出入不可

無此藥嶺外有婦與旅合陰以定年藥置食中且戒之曰子

幾時來果從其言彼復以藥解之可無恙若過期不往必死

若遇此毒及前一應諸毒服前藥一粒或吐或下即愈昔
女子勞瘵為尸蟲所噬磨服一粒吐下小蟲更服蘇合香丸
遂愈若茵蕈菰子砒石時行瘟疫山嵐瘴氣自縊溺水打折
傷死瘀血內滯心頭微溫用薑湯磨灌一粒可甦其急喉閉
纏喉風脾腫赤眼癰疽發背諸瘡湯火所傷用東流水磨塗
并服顛邪鬼氣鬼胎煖酒磨服余謂喉閉以下諸症果能灼
見形病俱實乃可用之

太醫院校註婦人良方大全卷之三終

太醫院校註婦人良方大全卷之四

江右臨川陳自明良甫編
太醫院使立齋薛已校註
建邑書林泗泉余彰德梓

婦人血風肢體骨節疼痛方論第一

婦人血風由氣血不足腠理不密風冷乘之以致邪正相搏故
骨節疼痛肢體發熱口舌咽乾

愚按東垣先生云飲食失節脾胃虛弱乃血所生病故口中
津液不行若火熱來乘土位故肢體發熱作渴若肝經血熱
用四物羌活黃芩黃柏肝經血虛用逍遙散山梔川芎風濕
兼痰用四物南星半夏羌活蒼朮風濕傷脾用羌活勝濕湯

暑濕傷氣用清燥湯氣鬱肝脾用四君木香枳殼檳榔胃氣受傷用補中益氣湯瘀血流注用四物桃仁紅花骨痛筋攣用當歸沒藥丸倦怠無力用補中益氣羌活川芎

附治驗

一婦人自汗盜汗發熱晡熱體倦少食月經不調吐痰甚多二
年後遍身作痛陰雨益甚此氣虛而風寒所乘用小續命湯
疼痛頓止用補中益氣加味歸脾三十餘劑諸症悉愈
一婦人月經不調且素有痛風過勞必作用衆手重按痛稍止
此氣血俱虛用十全大補加獨活而痛痊用六味丸道遺散
而經調

一婦人肢體作痛面色痿黃或赤白發熱惡寒吐瀉食不腹

痛脇脹月經不時或如崩漏或痰盛喘嗽頭目眩痛或五心煩熱口渴飲湯或健忘驚悸盜汗無寐等症臥床年許悉屬肝脾虧損氣血不足所致用十全大補加味歸脾兼服月餘諸症悉痊

芎藭散

川芎錢一 赤茯苓 酸棗仁炒 桂心 當歸酒洗
木香 牛膝酒洗 羌活 枳殼炒 甘草各三分

右水煎服

羚羊角散 治血氣身麻疼痛手足無力

羚羊角鎊 酸棗仁炒 生地黃 檳榔各一兩 五加皮
防風 赤芍藥 當歸酒洗 骨碎補炒 海桐皮

川芎各五錢 甘草三錢

右為末每服二錢溫酒調下

通靈丸 治血風手足疼痛不可忍者

白附子 殭蠶各一兩 全蝎半兩 麝香一

右為末煉蜜丸桐子大每服十九丸溫酒下日三服

當歸沒藥丸 治血風肢體刺痛筋攣骨痺或手足麻木

當歸 五靈脂各一兩 沒藥兩

右為末醋糊丸桐子大每服三十九薑湯下

虎骨散 治血風走痛或打撲作痛

虎骨酥炙 敗龜板炙 當歸酒洗 桂心 牛膝酒洗

漏蘆 地龍土去 葳靈仙 玄胡索炒自然 銅分 等

右為末每服二錢熱酒調下

附方

羌活勝濕湯 治頭痛脊痛腰似折項似拔

羌活 獨活各一錢 藁本 防風

甘草炙各半錢 蔓荊子 川芎各二分

右水煎服如身重腰沉沉然是濕熱也加黃柏一錢附子半

錢蒼朮二錢

東垣清燥湯 方見後

四物湯 補中益氣湯

四君子湯 三方見二十四卷第六論

小續命湯 方見十九卷第八論

道遙散 加味歸脾湯

十全大補湯 三方見二十四卷第四論

六味丸 方見二十四卷第十一論

婦人血風白虎歷節走疰方論第二

婦人血風白虎歷節由體虛風邪乘之隨血而行或滲溢皮膚或卒然掣痛走疰如虎鬻者加減小續命湯主之

愚按東垣云若人身體沉重走疰疼痛此濕熱相搏或風熱鬱而不得伸附着於有形也是症多因飲食起居失節或因七情勞役失宜脾胃虧損腠理不密外邪所侵以致內熱瞀熱自汗盜汗或經候不調飲食不甘治法濕熱腫痛者清燥湯兼麥佐以二陳湯肝火作痛者加味道遙散脾鬱作痛者

加味歸脾湯血虛作痛者四物湯氣虛作痛者四君子湯氣血俱虛者八珍湯俱加羌活川芎月經先期而痛者加味道遙散頭眩倦怠而痛者補中益氣湯大抵按之痛甚者病氣實按之痛緩者元氣虛勞役而痛者亦元氣虛也飲食失宜而痛者脾氣虛也惱怒而痛者肝火盛也若晝輕而夜重者血分病也與前兼用

附治驗

一婦人歷節發熱作渴飲食少思月經過期其脈舉之洪大按之微細用附子八物四劑而痛止用加味道遙而元氣復用六味丸三月經調

一婦人體肥胖素有熱月經先期患痛風下體微腫痛甚則小

便頻數身重脉緩此風濕血虛而有熱用羌活勝濕湯二劑
 腫痛漸愈用清燥湯數劑小便漸清用加味道遙散內熱漸
 愈又為飲食停滯發熱仍痛面自浮腫用六君加柴胡升麻
 而愈又因怒氣小腹痞悶寒熱嘔吐用前藥加山梔木香而
 安惟小腹下墜以欲去後此脾氣下陷用補中益氣而愈後
 因勞役怒氣作嘔吐痰遍身腫痛經行寒熱此肝木侮脾土
 用六君加柴胡山梔腫痛嘔吐悉退後用補中益氣而安
 一婦人飲食少思畏風寒患痛風嘔吐寒熱脉弦緊用附子八
 物而四肢痛愈用獨活寄生而腰痛漸痊惟兩膝腫痛用大
 防風湯而痛漸愈用歸脾逍遙而元氣復
 漏蘆散 治走疰疼痛

漏蘆

當歸酒洗

牛膝各三

桂心

地龍去土

防風

羌活

白芷

沒藥

甜瓜子各半兩

虎脛骨

敗龜板各酥炙

右為末每服二錢熱酒調下

四生丸

治骨節作痛或渾身麻痺

白殭蠶炒去絲

地龍去土

五靈脂

草烏各等分

右為末米糊丸桐子大每服二十九茶清送下酒調服亦可

射香丸

治歷節諸風走痛或如蟲行

大川烏三箇去皮尖生用

全蝎一箇

黑豆二十

地龍去土

麝香字

右為末米糊丸菘豆大每服十九溫酒下○許學士云予得

此方凡歷節及不測疼痛一二服便瘳治一貴婦遍身走痛

夜如蟲齒三服而愈

附子八物湯 治歷節痛如錐鍛

附子炮

乾薑炮

芍藥炒

茯苓

人參

甘草

桂心各五分

白朮一錢五分

右水煎服一方去桂用熟地黃二錢

獨活寄生湯方見後

小續命湯方見後

一婦人兩踝作痛上行膝髀肩肘痛如錐鍛至夜尤劇六脈皆緊一劑而愈又鄧安人夏月患此人迎脈虛此因暑而得用酒蒸黃連九一服亦安

附方

東垣清燥湯

治元氣虛濕熱乘之遍身痠軟或肺金受邪絕

寒水生化之源腎無所養小便赤少大便不調腿腰痠軟或口乾作渴體重麻木頭目眩暈飲食少思或自汗盜汗肢體倦怠胸滿氣促

黃芪五分

五味子九粒

黃連炒

神麴炒

猪苓

柴胡

甘草二分

蒼朮

白朮炒

麥門冬去心

陳皮炒

生地黃

澤瀉各五分

白茯苓

人參

當歸洗酒

升麻各三分

黃柏酒拌一分

右水煎服

二陳湯方見二十四卷第五論

八珍湯 加味逍遙散

加味歸脾湯 三方見二十四卷第四論

四物湯 四君子湯 六君子湯

補中益氣湯 四方見二十四卷第六論

六味丸 方見二十四卷第十一論

羌活勝濕湯 方見前 大防風湯 方見二十四卷第九論

婦人血風癢癩瘡痒方論第三

婦人癢痒癩癧五心煩熱乃血風攻症用人參荆芥散消風散
道遙散太抵因體虛風寒相搏赤屬血分而白屬氣分也經云
汗出見濕乃生瘡癩凡入汗出不可露卧沐浴使入身振寒熱
致生風癢也

愚按前症有身發疙瘡或如丹毒痒痛不常或膿水淋漓發

熱煩渴或頭目昏眩日晡益甚或寒熱發熱月經不調皆肝
經風熱血燥用加味道遙散為主佐以四君芎歸若忿怒身
發疙瘡痒寒熱乃肝火血燥用加味小柴胡湯氣血俱虛
八珍加柴胡丹皮若夜間發熱作渴謹語乃熱入血室用小
柴胡加生地血虛四物合小柴胡後用加味道遙散調理若
鬱結食少體倦內熱補熱乃脾經血燥用加味歸脾湯寒熱
加山梔熟地若遊走癢痒乃血風走注用何首烏散血虛道
遙散風熱消風散若專用風藥復傷陰血必致筋攣等症

附治驗

婦人身發疙瘡或生丹毒痒痛不常搔碎成瘡膿水淋漓發
熱煩渴頭目眩暈日晡益甚此血虛內熱之症以當歸飲加

柴胡山梔治之而愈

一婦人患前症肢體疼痛頭目不清自汗盜汗月水不調肚腹作痛食少倦怠先用入參荆芥散後用逍遙散治之而痊
一婦人因忿怒身發疙瘩憎寒發熱余謂肝火用小柴胡湯加山梔黃連治之而愈後口苦脇痛小便淋瀝復用前藥全愈
一婦人患前症發熱夜間譫語此血分有熱以小柴胡湯加生地治之而安後用四物湯加柴胡山梔丹皮而熱退又用逍遙散全愈

一室女十四歲天癸未至身發赤斑痒痛左關脉弦數此因肝火血熱以小柴胡湯加山梔生地丹皮治之而愈若因怒而致者亦宜治以前藥治驗餘見二十四卷血風門

何首烏報

治皮膚瘙痒遊走無定

何首烏

防風

白蒺藜炒

枳殼炒

天麻

僵蠶

胡麻炒

羌蔚子

蔓荊子各一錢

茵陳五分

右水煎服

附方

四物湯

四君子湯

二方見二十四卷第六論

加味小柴胡湯

小柴胡湯

二方見二十四卷第二論

八珍湯

加味歸脾湯

加味逍遙散

逍遙散

四方見一十四卷第四論

消風散

方見二十四卷第七論

當歸飲

方見一十四卷第六論

人參荆芥散

方見五卷第三論

婦人虛風頭目眩暈方論第四

婦人頭眩由氣虛風入於腦循脈引於目系目系急而然也邪甚則必癩素問云頭痛癩疾下虛上實過在足少陰巨陽甚則入腎徇蒙招搖目瞑耳聾下實上虛過在足少陽厥陰甚則在肝下虛者腎虛也故腎厥則頭痛上虛者肝虛也故肝虛則暈徇蒙者如以物蒙其首招搖不定目眩耳聾皆暈之狀故肝厥頭痛不同也

愚按丹溪先生云眩者言其黑運旋轉其狀目閉眼昏身轉耳聾如立舟船之上起則欲倒蓋虛極乘寒得之亦不可一途而取軌也若風則有汗寒則掣痛暑則熱悶濕則重滯此四氣乘虛而眩運也若鬱結生痰而眩暈者此七情虛火上

逆也若淫慾過度而眩暈者此腎虛氣不歸源也若吐衄漏崩而眩暈此肝虛不能攝血也有早起眩暈須臾自定者元氣虛也正元飲下黑錫丹傷濕頭暈用腎着湯加川芎有痰用青州白丸子頭風風熱也久則目昏偏頭風相火也久則目緊便澀皆宜出血以開表之竅謂前症肝虛頭暈用釣藤散腎虛頭暈六味丸頭暈吐痰養正丹不應八味丸血虛四物參苓白朮不應當歸補血湯氣虛四君歸芪不應益氣湯肝木實馮青丸虛用地黃丸不應川芎散脾氣虛二陳參朮柴胡升麻不應益氣湯加茯苓半夏脾胃有痰半夏白朮天麻湯風痰上壅四神散發熱惡寒八物湯七情氣逆四七湯傷濕而暈除濕湯

附治驗

一婦人素頭暈木時而作月經遲而少此中氣虛弱不能上升而頭暈不能下化而經少用補中益氣湯而愈後因勞仕地月經如湧此勞傷火動用前湯加五味子一劑而愈前症雖云氣無所附實因脾氣虧損耳

一婦人內熱口乾勞則頭暈吐痰帶下詳見六卷第十六論

養正丹 治虛風頭眩吐涎不化蓋此藥升降陰陽補接真氣

非止頭眩而已

黑鉛

水銀

硫黃 研

硃砂 各一兩 研

右用砂器鎔鉛下水銀攪勻離火少時入硃砂再攪候冷為末飯丸菘豆大每服二十九空心食前棗湯下

釣藤散 治肝厥頭暈

釣藤鈎

陳皮 炒

半夏 製

麥門冬 心去

茯苓

茯神 去木

人參 去蘆

甘菊花

防風 各一錢

甘草 各三分

石膏 煨二錢

右薑水煎

川芎散 治肝腎虛風頭自眩暈或頭痛耳鳴目系緊急

小川芎

山藥

白茯神

甘菊花 野菊不用

人參 各半兩

山茱萸肉 兩

右為末每服二錢酒調日三服

三五七散 治八風五痺肢體不仁或風寒入腦頭痛目旋耳

內蟬鳴

附子炮細辛各三錢薑炮山藥各五兩防風山藥七兩

右為末每服二錢溫酒調

四神散 治血風眩暈頭痛寒熱唾痰

菊花 當歸酒 旋復花去梗 荆芥穗各一錢

右葱白三寸茶末一錢水煎

附方 治血風頭旋或不知人事用喝起草嫩心陰乾為末

酒服二錢其功甚効即前蒼耳散

治頭旋如天動地轉名曰心眩膽礬一兩細研用麵餅劑一箇

拌勻勒如散子大瓦上焙乾每服一散為末灯心竹茹煎湯調下此去痰之法當審而用之

附方

正元飲 治下元虛敗痰氣上湧頭目眩暈臟腑滑泄時或自

汗手足逆冷霍亂轉筋等症

紅豆炒二錢 人參去蘆二兩 附子炮去皮一兩 茯苓各二兩

肉桂錢五 川芎 山藥姜汁炒 烏藥 乾葛各一兩

白朮二兩 乾薑炮三錢 黃芪炙一兩半

右每服三錢薑棗水入鹽少許煎送黑錫丹

黑錫丹 治真陽虛敗痰氣壅塞心火炎熾或赤白帶下等症

肉桂 沉香 附子炮去皮 葫蘆巴酒浸

破故紙炒 茴香炒 肉苁蓉麩裹 陽起石研水

金鈴子蒸去皮核 木香各一兩 硫黃 黑錫去灰各

右將黑錫硫黃入鉢內煉結砂子出地上去火毒研細塗

藥為末和勻再研至黑光色酒糊之桐子大陰乾入布袋搗
令光潤每服四十九

賢者湯 方見十五卷第八論 青州白丸子 方見三卷第四論

六味丸 八味丸 二方見二十四卷第十一論

當歸補血湯 方見十九卷第六論

四物湯 四君子湯

補中益氣湯 三方見二十四卷第六論

二陳湯 方見二十四卷第五論 瀉青丸 方見二十四卷第三論

八物湯 方見一十四卷第四論 四七湯 方見十二卷第七論

除濕湯 即賢者湯加川芎 半夏白朮天麻湯 方見四卷第五論

婦人血風頭痛方論第五

許學士云婦人患頭風者十居其半每發必掉眩如在車船之
上蓋因肝經血虛而風邪襲之爾用川芎當歸散若頭痛連齒
時發時止連年不已此風中腦謂之厥逆頭痛宜白附子散及
灸曲鬢穴在耳掩前正尖上灸七壯左痛灸左右痛灸右

愚按東垣云足太陽頭痛脈浮緊惡風寒川芎羌活獨活麻
黃為主手少陽經頭痛脈弦細往來寒熱柴胡為主足陽明
頭痛身熱自疼鼻乾惡寒發熱脈浮緩而長升麻湯或石膏
白芷為主手太陽頭痛有痰體重或腹痛為痰癖脈沉緩蒼
朮半夏南星為主足少陰經頭痛足寒氣逆為寒厥脈沉細
麻黃附子細辛湯為主足厥陰頭項痛或吐涎沫厥冷脈浮
緩吳茱萸湯主之諸血虛頭痛當以川芎為主諸氣虛頭痛

人參黃芪為主氣血俱虛頭痛調以益氣少加川芎蔓荊細辛
痰厥頭痛半夏白朮天麻湯厥逆頭痛羌活附子湯如濕
氣在頭者以苦吐之不可執方而治若脈雜亂而病見不一
且補胃為主

附治驗

一婦人因勞耳鳴頭痛體倦用補中益氣加麥門五味而痊三
年後得子因飲食勞倦前症益甚月經不調哺熱肉熱自汗
盜汗用六味地黃丸補中益氣湯頓愈經云頭痛耳鳴九竅
不利腸胃之所生也故脾胃一虛耳目九竅皆為之病
一婦人兩眉稜痛後及太陽面青善怒此肝經風熱之症用選
奇湯合逍遙散加山桅天麻黃芪半夏黃芩子而愈此症失治

多致傷目或兩耳出膿則危矣頭痛手掉身麻見一卷第五論

川芎當歸散

川芎錢一

當歸酒拌

羌活

旋覆花

細辛

蔓荊子

防風

石膏煨

藁本

荆芥穗

半夏麩

生地黃

甘草炙各五分

右薑水煎

白附子散 治風邪風痰頭痛連齒不時舉發或連年不愈

麻黃根不去

烏頭炮去

南星炮各兩

白附子炮一兩

全蝎炒五枚

辰砂

麝香

白薑炮各錢

右為末酒調服三分卧少時

川芎茶調散 治諸風上攻頭目昏重偏正頭痛

薄荷兩 川芎 荆芥略四 羌活

白芷 防風 甘草二各 細辛兩

右為末每服二錢食後茶清調

如聖餅子加細辛其効甚速若頭痛筋攣骨重少氣噦噫腹滿咳嗽煩寃其脉舉之則弦按之石堅由腎氣不足而逆上謂之腎厥頭痛宜玉真丸硫黃丸

硫黃丸 治頭風不問新久服此除根屢用屢効

硫黃二 硝石兩

右為末滴水丸指頂天每服一丸空心細嚼茶清下

一方用生菜服汁仰臥注兩鼻數年之患一注即愈

一方 治風邪入腦患頭痛不可忍不問年歲

硝石 人中白 腦子等

右為末用一字吹入鼻中

都梁丸 治產前產後風邪所傷頭痛頭暈方見後

附方

調中益氣湯 治氣血俱虛而頭痛

芍藥分三 升麻分二 黃芪錢一 甘草分五 五味子七粒

當歸 白朮 人參各分三 柴胡 橘皮各分二

右水煎

半夏白朮天麻湯

半夏一錢 白朮 神麩炒各錢 天麻 黃芪

人參 蒼朮 陳皮 厚瀉 茯苓各分五

大麥藥半錢 乾薑三 黃柏酒製二分

右每服半兩水煎

菴活附子湯

麻黃 黑附子炮白芷 白僵蚕 黃柏各三分

菴活 蒼木各五分 防風 甘草 升麻各五分 黃芪五分

右水煎服

選奇湯 治風熱上壅，鬢髮骨痛或頭目眩暈

菴活 防風各三錢 甘草二錢夏生冬炒 黃芩酒製去之

右每服三錢水煎時時服

吳茱萸湯 升麻湯

麻黃附子細辛湯 三方見六卷第十二論

補中益氣湯 方見二十四卷第六論

六味九 方見二十四卷第十一論

逍遙散 方見二十四卷第四論

頸項強痛方論第六

夫頸項屬足太陽膀胱足少陰腎二經相為表裏若感風寒濕氣則發熱惡寒頸項強急腰背反張瘰癧口噤脈沉遲弦細新產血虛出汗多患此症若因新睡失枕而致用三五七散追風散若風邪所傷用都梁丸木瓜煎

愚按東垣云肩背痛不可回顧此手太陽氣鬱而不行以風藥散之竊謂前症若因肝木自旺用瀉青丸精血不足六味丸風熱滯肝加味逍遙散如動肝火加味小柴胡湯肝經血

虛如味四物湯腎不能生而六味九膀胱氣滯恙活勝濕湯
木抵肝火旺則肝血虛而筋燥頸項強急或腰背反張或四
肢拳攣或頸項等處結核

附治驗

一婦人耳內或耳後項側作痛寒熱口苦月經不調此肝膽經
火蒸傷脾胃用四君加柴胡升麻黃芪芍藥而愈後因勞役
怒氣嘔吐脇脹用六君子湯加山梔柴胡而安

一婦人因怒寒熱作渴左目瞤小頭顛動掉四肢抽搐遍身疼
痛此血虛肝熱則生風也用加味道遙加釣藤釣數劑諸症
漸愈又用小珍湯而痊

追風散

治風邪所乘頭目眩痛口眼歪斜牙關緊急或百節

疼痛鼻塞聲重項背拘急皮膚瘙癢面若蠅行

川烏炮去皮 防風

石膏煨

川芎

甘草炙

荆芥穗

白僵蠶炒去絲

天南星

羌活

地龍去土

白附子炮全蝎去尾

白芷各半

草烏炮去皮

沒藥研

乳香研

雄黃研各錢

右為末每服半錢用茶清少許食後臨卧調下

都梁丸 治諸風項背不利頭目眩暈腦門作痛或產前產後

傷風頭目昏重血風頭痛用白芷末蜜丸彈子大每服一丸

細嚼荆芥煎湯下

木瓜煎

木瓜不犯鐵器二

此藥研二兩

乳香研一兩

右以木瓜去核入二藥仍蒸之飯上蒸爛研成膏每服三匙生地黃汁半盞無火酒和服有人患此自午發至夜方止余曰此足少陰經症發必先從足起蓋足少陰之筋自足木梢起至頭筋者肝之合也日中至夜天之陽陽中之陰又曰陽中之陰肺也自離至兌陰旺陽弱之時故靈寶畢法云離至乾腎氣絕而肝氣弱肝腎二臟受陰氣故發於是時予受此方三服而愈

附方

瀉青丸 方見二十四卷第三論

六味丸 方見二十四卷第十一論

八珍湯 加味逍遙散 二方見二十四卷第四論

加味小柴胡湯 方見二十四卷第二論

加味四物湯 四君子湯 二方見二十四卷第六論 羌活勝濕湯 方見前

婦人腰痛方論第七

夫腎主於腰若婦人腰痛由腎氣虛弱外感六氣內傷七情皆能致之如因風邪所乘用小續命湯加桃仁杜仲如因寒濕所傷五積散腎經虛弱青娥丸如因氣血凝滯用牽牛茴香之類愚按陳無擇先生云若形體虛羸面色黧黑腿足痿軟不能行立此宋志所為也腹急脇脹目視眊眊宗筋弛縱白淫下注此鬱結所為也肌肉不仁飲食不化腸胃脹滿閉墜腰脇此憂思所為也皆屬內因若腰冷作痛身重不渴小便自利飲食如故因勞汗出腰痠切痛或墜墮血滯或房勞精竭皆

屬內外因也。竊謂前症失心腎虛熱者六味丸腎虛寒者八味丸鬱怒傷肝實用龍膽瀉肝湯虛用六味丸補肝散憂慮傷脾者歸脾湯道遺散腎著者寒則木附湯虛則腎著湯腰痛者寄生湯養腎散瘀血滯者如神湯舒筋湯房勞腰痛者青娥丸十補丸

附治驗

一婦人腰痛三年矣每痛必面青頭暈目眩余以為肝脾氣虛用補肝散而愈三年後因勞役患頭痛兼惡心用補中益氣湯加茯苓半夏芎藭而愈
一婦人苦腰痛數年不愈余用白朮一味大劑服不三月而痊乃胃氣虛閉之症故用白朮也

如神湯 治男婦腰痛

延胡索

當歸

桂心等分

右為末每服二錢溫酒調甚者不過數服

獨活寄生湯 治足三陰虛風濕所侵脚膝歷節作痛

獨活 桑寄生

續斷酒炒

杜仲姜汁炒 細辛

牛膝酒拌炒 秦朮

茯苓

白芍藥炒 桂心

川芎 防風

人參

熟地黃自製當歸酒

粉草炙各五分

右水煎

舒筋散 治風寒傷腎管作痛或閃挫氣滯血瘀亦良

玄胡索炒 杜仲燼汁 官桂去 羌活 芍藥等分

右為末每服二錢酒調
又方橘核炒木香研酒下

附方

濟生木附湯 治寒濕傷腎腰重冷痛小便自利或手足逆冷

附子炮 白朮各一 杜仲薑炒半兩

右每服四錢薑水煎

三因腎着湯 治腎虛為病身重腰冷如水洗狀不渴而小便

自利飲食如故腰以下冷痛如帶數千錢

茯苓 白朮各四 乾薑炮 甘草炙各

右每服四錢水煎空心服

青蛾丸 治腎虛腰痛或外邪所侵腰腿或筋骨作痛

胡桃仁枚 蒜研 破故布酒浸炒 杜仲去皮薑汁

右為末蒜膏九桐子大每服五十丸空心醋湯下蒜不用亦可

六味丸 十補丸

八味丸 三方見二十四卷第十一論

龍膽瀉肝湯 方見三十四卷第八論

補肝散 方見七卷第十七論

歸脾湯 逍遙散 二方見二十四卷第一日論

養腎散 方見後

婦人腰脚疼痛方論第八

腎主於腰脚女人胞絡係焉若勞傷腎氣風冷客於脈絡故腰脚作痛也治當補元氣為正祛邪之劑上

愚按前症若真陽衰敗，不乘襲手足俱冷，頭痛惡寒，或嘔吐腹痛等症，宜用本方。若氣血虛弱，寒邪所感，惡寒發熱，頭痛作渴，或嘔吐腹痛等症，宜用五積散。若元氣虛弱，濕熱所傷，兩脛腫痛，寒熱身疲，或嘔吐不食等症，宜用檳蘇敗毒散。若脾胃虛弱，元氣下陷，寒熱嘔吐，發熱頭痛，喘渴體倦等症，宜用補中益氣湯。若足三陰精血虧損，陰火內動，內熱補熱，作渴痰甚，小便頻數等症，宜用六味地黃丸。若足三陰陽氣虛敗，惡寒發熱，手足俱冷，吐痰不食，二便滑數等症，宜用六味地黃丸。

附治驗

一婦人先腰膝作痛，後兩腿亦痛，余以為足三陰虛寒，外邪所

傷，用小續命湯及獨活寄生湯，或作或止，所用飲食極熱，腹中反快，余曰：邪氣去而元氣虛寒也。診其脈果沉細，用養腎散漸愈，又用十補丸而痊。

一婦人所患同前，但發熱作渴，喜冷飲食，脈洪數，按之遲滑，余以為血虛，有熱，用羚羊角散去積，柳加白朮茯苓數劑，更用加味逍遙散而痊。

一婦人患前症，時或腿膝作痛，脈浮數，按之遲緩，此元氣虛而風濕所乘，用獨活寄生湯頓愈，又用八珍湯而安。

一婦人因怒患前症，寒熱往來，口苦不食，脈熱內熱，余以為肝火血虛，先用小柴胡，山梔頓愈，又用加味逍遙散而瘳。

一婦人患前症，寒熱頭痛，身熱，此寒邪之症，用檳蘇敗毒

散而安又用補中益氣評而愈

骨碎補散 治陽氣虛弱外寒所侵腰脚疼痛腹脇拘急

骨碎補炒 草薢酒炒 牛膝炒 桃仁去皮

海桐皮 當歸酒炒 桂心 檳榔各五

赤芍藥炒 附子炮 川芎 枳殼各

右薑棗水煎

養腎散 治腎經虛弱風寒所侵以致腰脚疼痛不能步履

蒼朮兩 乾蝎錢三 天麻 草烏頭炮去皮尖 黑附子炮去皮各二錢

右為末每服一錢酒調服麻痺少時隨愈孕婦勿服此治風寒傷腎膀胱虛寒之良藥用之得宜殊有神効

附方

五積散 方見後

攢蘇敗毒散 方見二十四卷第十論

補中益氣湯 方見二十四卷第六論

十補丸 六味丸

八味丸 三方見二十四卷第十一論

小續命湯 方見前 獨活寄生湯 方見前

羚羊角散 方見前

加味道遙散 八珍湯 二方見二十四卷第四論

小柴胡湯 方見二十四卷第二論

婦人風邪脚氣方論第九

婦人脚氣乃肝脾腎三經或心絡氣虛為風毒所搏而患蓋胞

絡屬於腎主於腰脚三經絡起於足中指若風邪客於足從下而上動於氣故名脚氣皆由六淫七情或產後或經行風毒相搏其症或頭痛身熱肢節作痛或大便秘結小便不利或脚膝緩弱足脛腫滿或腰膝枯細忪悸嘔逆或小腹不仁舉體轉筋或胸滿氣急遍體酸痛用香蘇散加檳榔生薑若寒中三陽必冷用小續命湯若暑中三陰必熱用小續命湯去附子大躁者紫雪最良無紫雪以百合薄荷煎於水調服大便秘用脾約丸麻仁九三和散補藥淋洗皆大禁也

愚按嚴用和先生云前症初患不覺因他病乃發先從脚起或緩弱痺痛不能行履或兩脛腫滿或足膝細小或心中正忡或小腹不仁或舉體轉筋或見食作嘔或胸滿氣急遍體

酸痛其脉浮而弦者因於風濡而弱者因於濕洪而數者因於熱遲而濡者因於寒男子由於腎氣虧損女子血海虛弱七情所致竊謂前症若足三陰虛弱用還少丹若脾氣虛寒用八味丸若飲食停滯腎腿痠脹浮腫作痛此脾氣下陷用六君子少加柴胡升麻不應須用八味丸若發熱口渴月經不調兩腿無力此足三陰血虛火燥用六味八味二丸兼服前症西方之人多患之因素食乳酪脾胃壅滯脛足腫滿至於南方亦有因膏粱厚味濕熱下注而患者故古人謂之痺疾所用之方多疎通發散之劑然感於勞過度虧損三陰治法又當以固本為主故六物附子為元氣虛弱寒邪內侵之聖藥所屬各經等方附

附治驗

一婦人兩膝赤痛寒熱口苦嘔吐懶食面色青黃或赤此肝木乘脾土用小柴胡湯加山桅升麻茯苓二劑頓愈又用六君子湯加柴胡山桅全愈

一婦人飲食勞役兩膝兼腿疼痛或時寒熱余以為脾虛濕熱下陷用補中益氣湯加山桅茯苓半夏治之而痊後復作用六君子湯加柴胡山桅全愈

一婦人經行後寒熱晡熱兩腿作痛此肝經血虛也用加味道遙散加山桅治之而愈後因勞日晡內熱或用四物黃柏知母之類前症益甚更加食少作瀉余以為元氣下陷前藥復傷先用六君子湯加補骨脂二劑調補脾胃而瀉止食進又

用補中益氣湯升舉元氣而痊

大腹皮散 治脚氣肢節煩疼心神壅悶或頭暈喘嗽不食

大腹皮 紫蘇 木通 桑白皮炒 羌活

荆芥 赤芍藥炒 青皮 木瓜不犯鐵器 獨活各五分

枳殼麩炒一錢

右薑葱水煎

半夏散 治脚氣上攻心腹脹滿飲食不下嘔吐不止

半夏製薑一錢 陳皮 人參 大腹皮 桂心各三分

檳榔錢一 赤茯苓 紫蘇各五分

右薑水煎

桑白皮飲 治兩脚浮腫小兒赤澀腹脇脹滿或喘嗽痰湧嘔

吐不食

桑白皮炒 郁李仁皮去

赤茯苓各一錢

木香

防已酒拌

大腹皮

紫蘇子炒

木通去節

檳榔

青皮各五分

右薑水煎

附方

大黃左經湯

治四氣乘注足陽明經以致腫脹作痛或足脛

赤腫嘔吐不食大小便秘結或惡食喘急自汗等症

細辛

茯苓

羌活

大黃煨

甘草炙

前胡

枳殼炒

厚朴薑製

黃芩炒

杏仁去皮尖等分

右每服五錢薑棗水煎

麻黃左經湯

治風寒暑濕乘注足太陽經以致腰足攣痺肢

節重痛或增寒發熱無汗惡寒或自汗惡風頭疼

麻黃

乾葛

細辛

白朮

茯苓

防已酒拌

桂

羌活

甘草炙

防風

右每服半兩薑棗水煎服

半夏左經湯

治足少陽經為風寒暑濕乘注以致惡寒發熱

腰腿疼痛或頭目眩暈嘔吐不食或熱悶心煩脈痺不隨

半夏製薑

乾葛

細辛

白朮

麥門冬去心

茯苓

桂枝

防風

乾薑炮

黃芩炒

小草

甘草炙

柴胡

右每服半兩薑棗水煎熱悶加竹瀝喘急加杏仁桑白皮

六物附子湯

治四氣乘於足太陽經以致

身疼四肢拘

急自汗短氣小便不利或手足浮腫
附子炮桂 防已各四錢 甘草炙二錢 白朮 茯苓各三錢
右每服半兩薑水煎

換腿丸 治足三陰經為風寒暑濕之氣所乘發為癱痺緩縱
或上攻胸背下注脚膝疼痛發熱行步艱辛

薏苡仁 南星 石楠葉 石斛 檳榔

草薢酒拌 川牛膝酒浸 羌活 防風 木瓜各四兩

黃芪炒 當歸酒拌 天麻 續斷酒炒各一兩

右為末酒糊丸如桐子大每服五十九丸薑湯下
五積散 治風寒所傷以致脚氣疼痛或寒熱拘急嘔吐不食等症

當歸酒拌 芍藥炒 川芎 炮薑 人參

茯苓 陳皮 桔梗炒 厚朴薑 白芷

蒼朮 半夏薑製 肉桂 麻黃 甘草炒各五分

右薑棗水煎

當歸拈痛湯 治濕熱為病肢節煩疼肩背沉重胸膈不利或

兼遍身作疼足脛腫痛不可忍者或濕熱流注下部瘡瘍赤腫

羌活 人參 苦參酒製 升麻 乾葛

蒼朮各錢 甘草炒 黃芩酒炒 當歸 茵陳酒製各五分

防風 知母酒炒 澤瀉 猪苓 白朮各四分

右水煎服

紫蘇子湯 治脚氣上攻陰陽交 喘急嘔吐自汗無復紀律

紫蘇子微炒 半夏薑製各二兩 前胡 厚朴薑製
甘草炙 當歸酒拌各二兩 桂心 陳皮

右每四錢入薑東煎服

還少丹 方見二十三卷第四論

六味丸 八味丸 二方見二十四卷第十一論

小柴胡湯 方見二十四卷第二論

六君子湯 補中益氣湯 二方見二十四卷第六論

加味逍遙散 方見二十四卷第四論

婦人良方卷之四終



